

天

馬

媒



天馬媒

古本戲曲叢刊三集

古本戲曲叢刊編輯委員會
影印綏中吳氏藏
暖紅室刊本原書版高
二十公分寬十三公分

題天馬媒

玉馬一稱天馬馬升於天入帝廡也馬媒者何黃裴
其蹇修也玉爲馬馬能蹄齧人爲奇玉爲奇獸一措
大唱名御殿得兩名姝爲奇男子一在曲中一在賈
人柁樓底皆善調箏大江不能沈天子不能留爲奇
女子有奇女子皆名姝一節度使不敢奪真瓊瓊得
假瓊瓊卻爲人給贈去又爲一奇事傳奇無奇於此
者晉充負奇才解音律傷積木之未踐歎絕世之難
得輒借以發其奇奇於本色不奇於藻繪故構造自

然暢俊可咏此曲遂流膾吳中曲本詞詞本古樂府
樂府本騷賦晉充賈餘弩爲南歌非其志也予嘗命
黎園翻演終場不第快耳頗益風教使天下無義氣
丈夫漁色而并漁貨媒權而卒媒禍者帝胥勅玉馬
蹄而碎之嘻可畏也夫崇禎辛未中秋日止園居士

題

題天淵

天馬媒題辭

晉充吳下韻士也讀書譚詩名誼俱馥辯者不能與
論才博者不能與論學任俠者不能與較肝膽雖杖
頭不挂一錢餅底不儲半粟意豁如也歲己巳訪張
叔翹先生來遊雲間予始獲與遊處過從莫逆靡閒
春秋每課一日拈隻韻一時同社面赤未就而晉充
已稿落几上舒嘯自若矣其武庫之敏贍如此庚午
偕予澄江之役相與上下千古偶拈稗史可作院本
者如黃損玉馬故事其一也歸未浹月而傳奇告成

予受而卒業則見其紉事之密繪詞之麗意無不抒
而境無不暢可謂巧手敏心各盡其妙嘗謬論天下
有愈奇則愈傳者有愈實則愈奇者奇而傳者不出
之事是也實而奇者傳事之情是也黃損以千金之
良玉浪投於素昧生平之羽客而宿世嘉緣藉以永
締可謂奇矣而非有晉充萬斛詞源從實地實情寫
出則玉娥一片欠心瓊瓊千秋合調奸雄銷鑠而善
類明揚一一公案幾同寒雲俱散矣是編也行天下
必先賞晉充之餘技而徐得晉充之人夫晉充也而

以餘技鳴悲矣識晉充者不以人而以餘技愧矣會
有賞晉充者欲付殺青氏因序而歸之友弟周裕度

天馬媒引語

抱朴子云真玉女鼻上有黃玉如黍無此誌者鬼試人耳持是法眼相世咸識其真而小試之於詞曲亦必有一縷天然之韻如風行水雲出岫又如花獻笑雪舞空油然斐然可以踵騷林而入元室乃真詞曲也不則老酸究餽釘藝語魅人識者謂於真韻無當矣故論詞曲以韻爲主韻以天然爲主天然真韻正不容人力布置亦未許俗眼便識彼周太賓彈獨絃琴以和八音絳樹一聲兩曲分聽各妙豈非天然化

竟乎吾社劉子晉充仙才俠骨翩若行空天馬殆不
可羈世無蒔翁神鑒猶然轅下局促耳家從父方伯
公一見驚賞引締忘年雖昌黎之遇長吉未或過之
向所云識其真者非耶爾廼臨風歎玉吐沫成花有
概於玉馬舊事譜作傳奇無埃浹旬殺青已就率有
天然韻致漸近匪夷題曰天馬媒取類寄辭端有在
已然而靈心妙應則媒合繇天今以茗發飈舉如晉
充卽屠龍若承蜩也顧就雕蟲見其穎末才則真而
遇未展能母爲壯心扼腕也者予嘗贈之詩云微參

商徵激爲音仙譜新翻字字金解得劉琨清嘯意繞
梁聲裏寄雄心儻以知言許我乎異日金臺市駿烏
知是編不吐光怪以媒之而謂龍友權奇不遂空一
時馬羣者余所未信社弟怡菴張積祥題

自題

嘗慨平臺詞賦迄今生色而繼響寥寥蓋孝王賓客
已同衰草寒烟銷滅盡矣余承先世清白之遺貧無
負郭糊口四方者數載于茲求其好客如王孫知己
如遠山憐才如漢令者無有也歲己巳始獲見雲間
張方伯七澤先生先生高臥林泉蕭然物外性好舟
居所攜惟圖書數卷酒鐺茶具從一二勝引徜徉於
名山勝水間涉三泖泛五湖遇詞臣與談詩遇學士
與談文遇良將與談兵遇僧侶與談禪遇俠客與談

天馬媒
自題
劍術遇羽衣與談黃老遇美人與談歌舞遇樵夫牧
子漁父谿翁與談邨居烟水之樂耳目所收觸境成
趣兼之長厚性成絕不作軒冕氣卽以余之鄙陋一
見輒引爲忘年亦與之縱談今古瑰異俠烈之事客
歲春日先生挈公遠及余放舟虎谿偶翻情史見玉
馬墜一則甚異之屬余爲傳奇余雖雅嗜音律顧何
能爲役然予謬承先生旨又不敢以不敏辭扁舟所
至復見烟嵐幻出波縠恣生山容水色殊可人意遂
捉筆草成顏曰天馬媒此曷以故大凡姻緣作合實

有天意夫豈人爲緣之所許死者可以復生離者可
以再合如黃益叔一事無天馬媒裴玉娥必困於豪
室薛瓊瓊必終於長門是以若淑之倫天必假以奇
緣回適之流天必降以奇禍則天馬媒一傳可鏡也
且從來艷稱撮合者曰押衙曰崑崙曰黃衫客未見
有物顛而能作人之合者噫今人顛獸心無論爲人
撮合凡見人稍有遇合必思百計傾陷亦有愧于物
顛實多此予之作傳奇也非傳詞也予明知片雲作
雨不增潤於江湖五色爲絲方能炫其藻采是刻也

無乃廁瓦缶於大呂資章甫而遊越耶抑知孤芳在
壑不知金谷之春獨鳥韻山無藉韶英之響如或審
音辨律者有所擲揄予當謝之曰毀譽榮辱各行其
志今日不借昨日吾胸不貸彼胸則是編原不與詞
壇樹幟者爭好醜又何必原其所始究其所終哉灾
木旣成是爲辛未之巧夕地如劉方

天馬媒卷上目錄

第一齣

家門

第二齣

慨贈

第三齣

招俊

第四齣

話別

第五齣

附舟

第六齣

鳴箏

第七齣

擊妖

第八齣

締緣

第九齣

東訂

第十齣

計獻

第十一齣

強登

第十二齣

謁貴

第十三齣

夢讖

第十四齣

赴約

第十五齣

哭溺

第十六齣

撈救

第十七齣

宮宴

目終

天馬媒卷上

彙刻傳奇第二十七種

古吳劉方晉充著

夢鳳樓

暖紅室

校刊



第一齣 家門

蝶戀花

末上芳草滿園花滿日。簾外微微細雨籠庭

竹。楊柳千條珠綠。簌碧池波皺。鴛鴦浴。窈窕人家

顏似玉。絃管泠泠。齊奏雲和曲。公子歡筵猶未足。斜

陽不用相催促。
問答照常

滿庭芳益叔黃生才華出眾慨將玉馬贈仙翁用之

天馬
姦佞銜恨陷瓊瓊。生偶附舟應召。箏聲一曲玉娥逢。
中秋日涪州赴約。舟覆溺嬌容。賢姦相詰處。瓊瓊
冤雪。完聚都中。玉娥仗仙翁撮合。贈馬驚兇。詭計欲
傾益叔。誰知驀地會仙蹤。相逢處。二人拜禱。玉馬竟
騰空。

風流倜儻黃益叔。鋤強扶弱張道濟。
姦邪誤國呂用之。撮合良緣玉馬墜。

第二齣 慨贈

齊天樂 生巾服上 逢人漫說皇家棟。堪笑此身如夢。

仲蔚蓬蒿阮生悲痛。一片心苗愁種。門庭似水更長
淹。驥足鵬翮無風。幾載飄零。何時攀桂且乘龍。春申
家世亦足誇。汪汪叔度風殊邈。文彊博學擅篤孝子
文絕人才何奢。聖貞伏姦自千古。次公善治建成土。
近代德溫聲更隆。及我迂踈那堪數。生不逢辰歎顛
連。哀哀父母歸重泉。飄零書劍類司馬。紅絲未縮心
熬煎。豈拚干祿羶世味。要得榮親須富貴。進退維谷
兩所持。年來情緒紛於蝟。小生姓黃名損字益叔。本
貫連州人也。雙親見背。徒深風木之悲。一室尙艱空

有瑟琴之操、襟期落落、每不可於庸流、志氣昂昂、屢見誦於俗輩、歛吾圭角、混彼風塵、舞席歌筵、若不禁其伎癢、月前花下、自莫解其心迷、有知我者、以我牢騷不平、借此少洩胸中之憤、不知我者、且以我荒淫無度、浸假而人不肖之場、惟有妓女薛瓊瓊、雖是烟花、頗憐俊逸、與我曾訂生死之盟、這也不在話下、小生家世清白、別無長物、止有玉馬墜一枚、巧奪天工、真乃希世之寶、有人以千金購之、我寧甘守清貧、不忍割所愛、咳、玉馬、玉馬、你若知、亦當耐我伯樂一

顧也。

玉芙蓉。荆璆國寶宗。渥水神駒重。巧雕鏤爭誇。妙絕
人工。龍媒驥子無勞控。電駭星飛。欲躡空。我看將起
來。那玉馬尙得我憐愛。如我一身淪落。竟無有憐愛
之者。反不如玉馬多矣。咳。我總抱負非常呵。也。成何
用。奈伯樂未逢。又何年蹀躞踏遍杏花叢。小生扮道
妝上才子佳人信有之。姻緣會合始爲奇。天工注定
鴛鴦牒。人世方成鸞鳳棲。我乃氤氳使者。今有黃損
與裴玉娥。有婚姻之分。那玉娥尙有災厄。上帝命我

取黃損的玉馬隊主救他、吾想玉馬隊主如何救得人、蓋
 因此物、人工奪了天巧、將欲變化上天、我如今取來
 救了玉娥性命、然後撮合黃損姻緣、事成之日、即收
 此馬、回復上帝、迤邐行來、已是黃秀才門首、內生作
 長歎介、小生有人麼、生是那箇、小生小道偶然經過、
 聞戶內嗟歎之聲、特來相慰一番、生多謝道、丈請坐、
 小生秀才、你為何嗟歎、生小生室如懸磬、慙無擔石
 之儲、身類轉蓬、未愜宜家之願、為此愁悶、小生原來
 為此、秀才大丈夫處世、定當軒昂其氣宇、磊落其胸

襟我看你這等儀表決不是終身淹蹇之人何故愁眉蹙額

前腔你雖爲伏櫪驄定作儀庭鳳又何須抑鬱簇破

眉峯況貧者士之常那負薪帶索還堪詠陋巷簞瓢

豈是窮生袖出扇小生見玉馬介呀秀才你這玉馬

墜可謂神物也形生動似長嘶驟風羨騰霜曳練氣

如虹生忒謬贊了小生秀才小道不知進退有言奉

聞生有何見諭小生欲與秀才乞取此玉馬墜未識

允否生背云介我看這老丈風骨非凡飄飄若神仙

中人也。況且未曾識面，就與我乞取此玉馬，定是異人。我將此異物贈此異人，有何吝哉？對小生介：老丈，此物小生雖然珍愛，老丈既然歎賞，便當奉贈。遞玉馬介：請收了。小生既如此，就此告辭了。

小青雲有路莫嗟吁。須信從來德不孤。

生正是與君一席話。果然勝讀十年書。

第三齣 招俊

荷葉魚兒外冠服眾喝上。位陟台司，重荷皇家寵遇。頻年承乏，令中書銜新命，又分符叱馭，任重難勝。恩

深莫副常懷憂懼。鷓鴣天簪紱趨朝事一人。有唐中

葉值艱屯。酬恩惟有丹心在。盡瘁那知白髮新。馳

繡轂。籍文茵。觀風採俗在咨詢。朝端未得除姦佞。幕

府還須集標薪。下官姓張名誼。字道濟。家本廣陵。官

居楚服。戴九重之知遇。懷一念之忠貞。時值海宇伏

戎。眼見蕭牆隱禍。奸黨盤據。主勢孤危。潢池之烽火

未寧。銅駝之荆棘已兆。動輒掣肘。力每違心。可恨那

呂用之。本以狙獠小人。挾持邪術。蠱惑高駢。專權亂

政。吾想邪正既不並存。薰蕕豈能同處。我爲此將欲

挂冠只是遽難弛擔喜夫人孩兒輩俱在家中到也
脫然無累但時事多艱拮据甚苦今有年姪黃損胸
藏韜略學貫古今意欲聘他到來爲我記室早晚可
與商確政事書已修在此了不免差官前去叫左右
喚聽差官過來雜喚介丑扮差官上堪笑遍身似墨
看來好像蟋蟀大膽寸步難行小心天下去得聽差
官磕爺頭外起來我有書一封着你到連州黃相公
處投下即便請他到來不可有悞你聽我道

四邊靜你明朝便把征途逐稽功在遲速前往到連

州仔細訪益叔。合曉行暮宿車塵馬足。此去莫擔延指日等回復。

前腔丑奉公晝夜行須促。主命敢相辱。管取去如飛。焉敢憚勞碌。合前

外來日早登程。

丑疾忙招俊英。

外殷勤須寄語。

丑管取有逢迎。

第四齣

話別

番卜算。老旦上。燕老與鶯殘。此景真蕭索。笙歌繚繞。羨東墻。只管傳杯酌。點絳脣春雨濛濛。淡烟深鎖。垂

楊院暖風輕扇。落盡桃花片。門戶蕭條。前事思量
遍。誰相眷。淚痕如線。界破殘妝面。老身馮氏。嫁與薛
門。乃是教坊出身。少時曾領士女班頭。老去止爲衙
衛鴛母。只因連年官事。家業彫零。鬢輩從良者從
良。贖身者贖身。弄得來珠簾結網。繡戶生塵。止有親
生女兒。名曰瓊瓊。他艷質嬌姿。不數太真飛燕。豐肌
媚臉。堪儔西子毛嬙。一心咏月嘲風。不肯倚門獻笑。
任你王孫貴戚。動不得他半點芳心。只有翠瑟錦箏。
纔曉得他滿腔哀怨。向與連州黃相公。暗約婚姻。如誓

同生死、這幾時因不見他到來、又因當朝呂用之日、
逐差人攪擾、爲此染成一病、且喜朝來稍可、我不免
喚他出來、解慰一番、有何不可、瓊瓊孩兒那里、

卜算子 小旦病裝上病起太無聊、減盡腰肢小風聲、

何處覓鸞簫、又把愁腸攪、母親萬福、老旦我兒、看你

倦整殘妝懶畫眉、似垂楊裊裊弄柔枝、小旦一腔心

事和誰說、只有清風明月知、老旦我兒、這句你說差

了、難道你的心事、做娘的不曉得、只是黃相公與你

既締姻盟、諒非薄倖、或者有事羈身、不見到來、你何

必思想成病。小旦母親人之相知、貴相知心、黃郎來
與不來、這也不足爲慮、只因呂用之那廝、他每倚官
勢、屢來攪擾、爲此憤恨成疾。老旦我兒呂用之爲惡
多端、強占民間子女、不計其數、何況我們這樣人家、
只索靜以待之耳。小旦母親孩兒雖墮烟花、志同金
石、他若來相犯、有死而已。

桂枝香老旦咳兒你玉肌消耗、蛾眉淡掃、只道爲薄
倖兒郎、卻原來慮着姦狡、他們富豪、他們富豪十分
強暴、況且有許多牙爪、漫心焦、萬事由天判、榮枯命

裏招。

前腔。小旦親恩難報。姻緣未了。只因命薄多磨。好事

還成顛倒。恨姦徒暴虐。恨姦徒暴虐。將人囉喙。無門
可告。阿呀。黃郎。嗟。你路途遙。怎能殼一陣風吹到。千

般恨始消。老旦我兒。你且不須煩惱。他見你如此立

志。或者不來要。你也不可。知小旦但願如此便好。只

是他們料不肯饒過孩兒。老旦怨紅愁綠。靜中深。贏

得終朝淚滿襟。小旦咳。黃郎。黃郎。好似和鍼吞卻綫。

繫人腸肚刺人心。

杏花天半生同丑上柔腸寸寸憶多嬌。圖一面豈憚

途遙。小生黃損久別瓊瓊。今因赴張年伯之召迂路

與他話別。迤邐行來已是瓊瓊門首。向丑介過來。我

要進去會一箇人。你且在外邊候一候。丑相公就出

來。生進相見介。老旦呀。黃相公怎麼許久不來。我女

兒那一刻不想念你。生我因有事羈身不得工夫到

來。且不語。長嘆介。老旦原來如此。生媽媽有張爺那

邊的差官在外。你去拏一杯茶與他喫。老旦應下。生

瓊瓊。一別多時。小生本擬與你相敘幾日。慰你懸念。

不意纔得相逢、卽當離別、如何是好、小旦卻是爲何、
生我有年伯張公、他欲聘我爲記室、今日就要起程、
到襄陽去了、恐你懸望、特來會你一面、小旦作悲介、
黃郎、你家徒四壁、今得貴人提掣甚好、只是我盼望
多時、今得一見、不料卽刻就要起程、好苦楚人也、生
瓊瓊免愁煩、我少不得就來會你、

下山虎

小旦我想當日呵、感君眷戀似漆如膠、我便

把終身靠別來夢勞

生今日裏瞥見多情、旋把相思

擔挑

小旦只道重逢話、幾宵誰料侯門、召頃刻分開

鸞鳳交旅雁天邊叫越教我淒涼怎熬依舊孤燈伴

寂寥

丑 曩介心麼只管進去了相公快些出來生出

介 心麼亂曩

憶多嬌 丑 相公日已高休絮叨況且區區腹又枵作

速登程免淚拋 生 不必嘵嘵不必嘵嘵你且消停等

着 丑 相公天色晚了快些趨路 生 我就去了你不必

催促 生 進介那箇差官催促甚緊如何是好 小旦 別

是少不得要別的不如早些去罷

前腔 生 我去路迢你體要調莫爲離情魂黯銷有日

重逢弄玉簫。小旦休得別戀多嬌。別戀多嬌。頓使紅

顏早彫。丑又囑介。生只得別了。改日再來。小旦淚介

生呀。你莫將愁緒惱心懷。小旦黃郎。嗔你此去呵。我

只怕容枯體似柴。生名利牽人何日了。多磨好事說

從來。生下老旦黃相公。黃相公呀。相公那裏去了。小

旦母親他去了。老旦這又奇了。怎麼來了就去了。小

旦他說有人聘他到襄陽去。來人十分催促。只得去

了。小旦淚介。老旦原來爲此兒。你也不須愁煩。且進

去罷。正是別時笑語風吹斷。會處迷離夢寫真。下

第五齣

附舟

燕歸梁

外帽服上

晚景桑榆鬢已秋。

一生貿易周流。

膝前無子實堪憂。只一女恐難留。愧我生來似轉萍。

江湖心性海波情。全憑資本圖微利。一任蒼天度此

生。老夫姓裴名成號竹溪。爲商三十餘年。妻死一十

六載。可憐並無子嗣。止生一女名曰玉娥。他性耽吟

咏。雅善聲音。凡過名山勝景。必置品題。每遇明月清

風。箏聲相和。只是年及二八。親事未諧。我爲此日夕

憂悶。這也不在話下。今日欲到襄陽。且喜遇這順風。

叫夥計把篷線理一理、豎起桅來、到襄陽去、內應介

縷縷金

生丑急上

名難售、刺難投、舉世誰青眼、止窮

愁、總赴侯門去、知他薄厚、令且來渡口、覓孤舟、趁這

好時候、趁這好時候、丑相公、且喜來到渡口、待叫了

船、那箇船到襄陽去的、外這些船都開去了、丑就是

你的罷、外我的船是裝貨的、不載人的、丑你如今可

有貨在裏頭、外貨是沒有、丑既沒有貨、爲何不肯載

我、這等放肆、怒介副扮船家、罵上什麼人、什麼人、丑

副爭論介、生老丈、不是這等講、你的船雖不是人載、

天馬如
一



秋
滿
湘
滿
眼



暫裝我們一次船錢加倍奉還便了、外若是相公這

樣好好裏說、就裝一裝也何妨、只是那一位、不知是

何官何職、只管使着官勢、所以不服、生不要管他、你

看我分上便了、外既如此請下船、副相公便載、這位

帶紗帽的是不載的、丑你這狗才、難道教我在水面

上走過去、副不難、你是官府、起了夫馬、陸路上來就

是了、丑、噯、你欺我官小麼、到明日巴了出頭日子、做

了驛丞、怕沒有夫馬撥麼、副只怕撥便勞你一撥、用

原沒有得到你用哩、丑不聲、介生不必如此、外上船、

上船扯起篷來

一江風乍移舟一派江波溜緊把征帆扣望晴川鷺影鷗羣與客子爭先後湖山分外幽湖山分外幽烟霞一望收最喜得美滿長風湊

前腔生思悠悠誰是知心友爲名利多生受想秦樓絃斷無聲好事成拖逗瀟湘滿眼秋瀟湘滿眼秋是離人種種愁問襄王臺榭今存否外天色晚了泊了船明日早行

生休言芳草愛遨遊名利牽人不自由

天馬如
卷一
眾款乃一聲天欲暮。夕陽沽酒曲江頭。

第六齣 鳴箏

七娘子 旦上好風忽向青蘋起。問年華烟波船裏弱。
體如蓬浮家似梗。那堪親老姻還未。憶秦娥秋寂寂。


碧紗窗外人橫笛。人橫笛。天津橋上舊曾聽得。秦塵
埋玉臉無人識。天空萬籟聲初息。聲初息。月明江上
數峯凝碧。奴家裴玉娥。乃裴員外之女。麤知文墨。頗
善彈箏。泛宅浮家。雖有看不盡的景致。孤身隻影。竟
無稱得意的姻盟。蘆葉汀舟。怕聽伊呀孤雁。蓼花溪

畔愁聞淒楚啼鵲呀、今夜月白風清、水天一色、不免
取箏一彈、少展悶懷、整箏介


接雲鶴生上秋光秋氣入羅幃、秋聲秋思催鄉淚、小
生黃損對此佳景、未能假寐、不免推起篷窗、望月一
回、有何不可、

步步嬌日彈箏介篷窗寂寂鱗雲細、夢斷秋風裏、爐
香裊篆微、輕理朱絃、慢調促柱、郝素善於斯、今朝有
我方成二、

醉扶歸生驚介聽新聲宛轉添憔悴、誰道江州司馬



問年華煙
波舟裏



淚偏垂。生張介呀、好一箇女子也、柔荑纖手翠蛾眉。
羅衫恰稱嬌身體。雲鬟半髻似含思。莫非天上來環珮。

皂羅袍。旦說甚秦家聲伎。但流魚驚躍。更有誰知。鬆
將金釧減香肌。褪來羅帶腰圍細。風姨月姊。儻能鑒
知。江如湘女。或能護持。鎮朝昏篷底。長吁氣。夜已深
了。奴家睡也。正是夜夜月明愁萬種。年年曲罷拜三
星。抱筇下生呀、蘭膏闌寂、銀燭闌珊、竟自進去睡了、
你今夜怎生發付小生也。

前腔教我徘徊無計。一霎時教我心迷。他倚欄展轉
卸妝遲。臨流扼腕垂珠淚。怎能箇銀缸斜背。雙雙入
幃繡衾共擁。輕輕抱伊咳。小娘子你既是天下有情
人。何不坐到天明待我黃損看一箇飽。卻緣何空牀
明月和愁睡。

一霎相看是夙緣。簾籠恍惚遇神仙。
雲中隱隱開金鎖。何異麻姑小洞天。

生作

長嘆下介

第七齣 擊妖

夜遊船

淨上

獨掌朝權誇得意。蒙恩寵遇無雙。只顧

肥家。誰知爲國說甚功高天壤。下官呂用之。出身商

僧。往來廣陵。甚得諸賈之歡。因下官幼孤。相依舅氏。

不合盜私其室。亡命九華山。事方士牛弘。授以役

鬼奇術。因得高太尉擡舉。自幕府親隨。累陞至嶺南

節度使。喚雨呼風。直教天昏地暗。朋謀樹黨。誰論禍

國殃民。才高的是我仇家。位尊的是我冤對。滿朝中

人人閉口。班行內箇箇低頭。貪婪網盡金珠。宣淫遍

掠子女。可恨薛瓊瓊。我幾番着人去喚他。公然不來。

我要他亦有何難、只是天下文人墨士無不與瓊瓊往來、我若逼他到此、衆口必且沸騰、昨已面奏主上、說瓊瓊善於彈箏、我主大喜、卽日召入後宮、也消我胸中之憤、今日朝罷回來、已會着人去請諸葛、殷張守一敘話、叫左右的、諸葛爺、張爺到來、卽忙通報、未

應介

前腔 副 拚得兩肩扛一嘴、任他笑罵何妨、丑 專靠趨

承全憑勢利、不怕奸雄不想、笑介 自家叫做諸葛殷

一生學得好風雲、副全憑邪術要權貴、并仗妖言惑

聖君今日蒙呂大人相招不免徑入淨連日少會殊
爲閒闊副不敢丑諸葛殷正有事來相報不道反荷
寵招淨有什麼事丑前日有兩位仙人下顧臨行留
下四句詩教我寄與大人淨憂有這等事詩句怎麼
道丑他說大人前身原是呂純陽只爲思凡謫下方
好佐明君三五代壽元二百返仙鄉淨大喜介有此
奇事丑是仙人親口說的淨只是我活二百歲須得
廣蓄資財方纔用度不竭副大人這箇何難內庫裏
邊須多搬些三錢糧到府民間凡有罪者許其入資贖

罪大人你一生受用不盡了。淨說得有理。看酒過來。

香柳娘。且開懷舉觴。且開懷舉觴。徐斟仙釀。看朱欄
碧檻花相傍。更龍涎噴香。更龍涎噴香。闔苑果難量。
蓬萊信非謊。笑人生自忙。笑人生自忙。虛度流光。誰
能豪放。淨住了。我今日筵前無侑觴者。吾想我前生

既是純陽。何不召白牡丹到此相叙一番。丑說得有
理。大人待我作起法來。請他到此。與大人敘闊如何。
淨如此甚妙。院子取法水寶劍過來。院子取劍水介。
丑作醜態步罡介。小旦扮白牡丹上。白雲本是無心。

物又被清風引出來。相見介呂先生今日相招有何
話說淨我與卿相別多年特請來相敘一番小旦多
感先生盛情足見你不忘故舊先生可記得你當時
到我園中借茶喫將奴調戲的光景麼淨不知所答
介副大人這是你前世之事那里曉得如今不要管
且暢飲則箇淨說得有理小旦遞酒介

前腔漫殷勤進觴。漫殷勤進觴。酌伊佳況。杯浮琥珀
光搖漾。這相逢異常。這相逢異常。先生與你前世結
鸞凰。今生願隨唱。淨大笑介喜洋洋欲狂。喜洋洋欲

狂小姐自今已後呵、願勿相忘。仙踪頻降。小旦這箇自然淨做醜態。搜旦介。眾扮四將上介。淨副丑急躡桌下介。四將下淨副丑爬出介。不好了、不好了、叫院子快收拾過了筵席。副丑大人告辭了。淨你去不得的。丑怎麼。

淨死便大家死。

活便大家活。

副大人你也不須慌。

丑這是天作孽。

第八齣 締緣

嬾畫眉生上無端情思曉來多。想殺如何近得他。小

生夜來玩月忽聞箏聲悽婉大類瓊瓊手彈仔細看
來乃是舟中一箇女子年方二八妖豔驚人一曲箏
音寫出滿腔哀怨幾聲長嘆逗將半點春心爲此通
宵難寐搆得鄙詞俟他出來悄悄地擲進看他怎生發
付咳詞詞一天好事仗伊扶若得暗地相酬和成就
良緣締萬蘿。

前腔旦睡起朦朧似經魔又見朝霞漾碧波。驀然愁

思攪心窩。贏得難存坐。生擲詞介旦呀那邊怎麼有

一張紙擲進來待我拾取他來看甚麼。念詞介生平

無所願。願作樂中箏。得近佳人纖手。子。研羅囊上放
嬌聲。便死也爲榮。連州黃損作呀。我細觀此詞。清新
俊逸。豈意庾子山復見今日也。

園林好看新詞。分明絕學。甚風吹到朱簾繡幕。白雪
陽春誰和。我生平恥爲販夫販婦。若與此生得偕侪
儷。吾願畢矣。堪羨你揆三都。祇教我愧羅敷。生小娘
子不消煩惱。小生黃損。就在此處。且驚介秀才。你因
何到此。

前腔。生爲遊學身。隨逝波。且如今到那里去。生赴侯

門附卿貴。夜來呵。忽聽箏聲暗度。得隱約見嫦娥。

因此上費吟哦。

旦背介

玉抱肚。我生來愁裏到今朝。愁腸更多萬千般心事。

難言總同舟。似隔山河。丑喊上介旦驚下。黃相公喫

飯。生我不要喫了。你先喫罷。丑應下介生咳。正要與

小娘子說幾句話。被這狗才驚散了。如今怎得他出

來。將指彈板介。旦復上介秀才。我還有話對你說。生

有何見諭。旦君室中有婦乎。生尙未。旦妾賈人女。小

字玉娥。自幼喜弄柔翰。承示佳句。逸思新美。君一片

有心人也、慕君才華、不差、自獻、異日富貴、幸勿相忘、
生、卿家雅意、陽侯河伯、實聞此言、所不如盟者、無能
濟河、日舟子在、前嚴父在側、難以盡言、八月十五、舟
至涪州、父偕舟人俱往賽神、日晡方返、君來當爲決
策、慎勿遺忘、願郎記取、莫蹉跎、免使扁舟望眼枯、生
多承小娘子美情、小生敬銘之肺腑、只是今日裏呵、
前腔、孤身無那、問卿卿、肯容人近麼、日秀才說那里
話來、舟中耳目眾多、你若如此、反被旁人識破、後會
難期了、生、雖然要遠別、嫌疑、這機緣可任蹉跎、天台

有路儻難圖。盼殺仙姝奈若何。小娘子、可憐小生客

底蕭條、待我到裏邊來、還有話與你講、且有話就在

外邊說我聽見的、生這句話是要到裏邊說的、跳窗

介丑突上介生驚介且急下介丑相公你在那里做

什麼、生方纔見一條蜈蚣、我要去趕他、丑只怕不是

蜈蚣、是一箇老鼠、生怎麼是老鼠、丑會鑽倉的、生休

得閒說、丑相公飯冷了、生我今日不要喫飯、只管胡

纏、丑我道你肚中饑了、請你喫飯、爲何如此發惱、既

不要喫、也就罷了、正是、閉門不管窗、前月一任梅花

自主張。下生正要與他說幾句知心話。又被這箇狗才衝破。好悶人也。

尾聲我一腔愁思天來大。怎能殼折名花一朵。咳。此夜更長那得過。

一段姻緣雖訂盟。奈何踪跡等浮萍。

從今添上相思病。兩地徒傷暗裏情。

第九齣 柬訂

卜算子 旦上 分淺多倜傥。心事誰能剖。無計留人倩石尤。莫使征帆驟。虞美人 孤舟江上新秋至。勾引離

人淚夢魂飛到碧闌干。簾外瀟瀟。微雨釀輕寒。玉

肌消削。秋難問。好景添新恨。誰教寂寞。又花開恰是

一場煩惱。送人來。奴家裴玉娥。前夜偶爾彈箏。不意

爲黃郎竊聽。感其眷顧。贈我新詞。我看他如此鍾情。

況有這般才貌。必非等閒之人。我遂與他訂終身之

約。又曾約他八月十五相會。與他決策。雖然如此。只

是聞得他明日就要登途。未得與他再申前約。如何

是好。
長嘆介

金梧桐。咳。我無聊怯素秋。驀地拋紅豆。只爲一幅詞

兒不辨昏和晝。若恩情未便酌。怕衫袖難消受。病染
沈沈。奴貌應非舊。何時得到巫雲岫。出詞看介我細
觀此詞教我越傷感也。

東甌合他情兒厚意兒稠。如此才華若箇儔。料然不
是成虛謬。休得閒窮究。只愁別去淚難收。盼不到涪
州。爹爹你老年無子。止靠我一人。自然該憑你婚配。
奉養你暮景。只是舍卻黃郎。別無佳偶。所以不媒自
嫁。此心雖切不安。然情之所鍾。雖父命不能止也。爹
爺從此之後呵。

大聖樂論姻親事體。休休這終身我已售。無媒徑路。雖堪醜。須不是沒來由。俺這裏箏聲一曲。諧婚媾。他那裏幾句新詞。遂好逑。心兒誰剖。願蒼蒼默祐。不教翻覆。昨日雖曾約黃郎。八月十五相會。未知他可記得。真不儻。然錯了時日。怎麼好。我如今要會他一面。料然不能。只得寫幾行字。乘空傳出。卻不是好寫書。

介

解三醒。我一心願天長地久。把山盟海誓相投。密約中秋。君記否。莫忘卻。使妾凝眸。你若是薄情薄倖。將

人哄我須是和淚和愁。赴水流真迤逗。恁無端漁笛吹出離愁。

尾聲從今不把箏聲奏。打點精神消瘦。咳黃郎黃郎。你莫使紅顏咏白頭。

天上人間兩渺茫。書成錦字轉淒涼。

江邊不敢高聲哭。只恐猿聞也斷腸。

第十齣 計獻

金雞叫老旦寂寂餘清冷。這段愁教誰管領。小旦美

滿姻緣成畫餅。撇下相思鎮日魂難定。老旦秋清隊主

葉舞村江。細語風琴韻。曉窗小旦愁裏話。深情較苦。
樓高動幕影。幢幢。老旦我兒。你向慮呂用之來攪擾。
這幾日不見有人到來。想已罷了。小旦母親。那呂用
之姦謀不測。眼下雖覺清淨。料他決不能忘情於我。
只索聽之於天而已。

不是路

外淨末丑扮公差上。上命非輕。選取瓊瓊上。

玉京列位哥。這家就是薛家了。有人麼。老旦這叩門

聲。

衆亂嚷介。老旦緣何嘈雜都乘興。小旦母親。想是

姦人又差爪牙來凌併。

衆開門。開門。老旦我兒。你且

進去待我開門問事情。日暫下介老旦開門介列位何來。衆我門府縣差來的老旦到此何幹。衆教傳聽爲欽宣淑女來供應。老旦驚介卻是爲何。衆好承恩倖好承恩倖

前腔老旦冷汗如灸。禍事今朝信不輕。列位念我今日呵。當晚景拜介望你周全感不勝。衆說那裏話來

這是朝廷命。況令愛呵。昭陽已自填名姓。老旦宮中有三千粉黛。八百嬌娥。爲何要我女兒。衆那萬歲爺呵。最喜臨軒聽錦箏。老旦我女兒彈箏。聖上那裏曉

得衆是當朝呂爺面奏的。老旦哭介衆你莫悲哽。疾忙收拾趨宮乘。你老人家呵、教你也隨鞭鐙也隨鞭鐙。老旦我兒不好了、呂用之將你奏過聖上、選入宮中、卽刻就起程了。小旦驚跌介老旦我兒甦醒。

皂角兒小旦老旦合恨姦徒設計相傾。卻將我送歸深窞。這災禍夢裏難明。誰知道陷人一命入長門。真

不幸料今生休妄想。再轉家庭。抱哭介衆催介小旦

我那娘、誰來溫清。誰來奉承。嘆別離天南地北。一般愁病。

前腔衆勸娘行不必傷情。論人生榮枯前定。望伊家
及蚤登程。何須要苦縈方寸。但願你博君王一笑臉。
椒房寵終身多幸。莫遲俄頃。香車快乘。到京畿送歸
宮院。大家歡慶。

尾聲老旦霎時母子難言罄。衆到途中還堪相並。小
旦阿呀黃郎。從此應知魂夢冷。

哭相思小旦拜老旦介。從今一別信難憑。老母那堪
鬢似星。合黃泉只在須臾頃。鐵石人兒也淚零。衆擁

下

第十一齣

強登

生上蕭蕭行李附江船。何意欣逢有謫仙。舊日風流磨滅盡。今朝冤債復相牽。小生黃損。自前夜聽箏之後。忽忽如有所失。因搆一詞。投於妝次。蒙此女不加嗔責。反以終身相許。這段姻緣。殊出意外。但今日船到襄陽。卽刻就要登途。又不能與他廝見。如之奈何。咳。天。天。少什麼出路的。遇了逆風。受多少擔閣。偏我遇這般順風。將船就送到此間。好生不做美也。

新水令 望荆襄城郭暗歔歔。恨長風霎時飄。至寸心

愁亂攪。兩眼淚空垂。無計濡遲。這磨折是前緣。夙世
旦急上。離情淒野鶴。別緒泣江猿。奴家玉娥聞得黃
郎卽刻起程。不覺心腸如刺。修得數行在此。不免擲
與他看。咳嗽介。擲書出介。內眾嚷旦避介。下。生拾書
藏袖介。

步步嬌。丑上。幸喜今朝來楚地。謝得天相庇。相公船
已到岸。請喫了飯上去。你搵衣莫待遲。先入侯門。慢
收拾行李。生長嘆介。丑背介。呀。何事忽攢眉。莫非鄉
思將人繫。相公快些收拾上岸。生。天色已晚。明日進

去罷丑相公天色尙蚤此時俺老爺正值開門極好相見的、生胡說難道我去趁他的便不成丑既如此小人先去稟知老爺來奉迎相公就是了、生你且先去我明日上岸便了、丑忙將相公語回覆俺爺知丑下介、生方纔見小娘子咳嗽一聲方欲接談不意被這狗才驚散小娘子遺下紙一張竟自去了待我取來一看便知分曉、看書介、噯原來約我八月十五相會的、玉娥玉娥我只道你箏聲絕倫不道詞翰俱妙好教我想殺你也、

折桂令。觀蠅頭細楷。魂飛織錦迴文。不數滔妻。更兼有翠黛蛾眉。真箇是天然麗質。絕世嬌姿。俺不是輕薄兒無端思迷。只因伊靡曼芳澤。妖豔傾國。况識俺在污泥。怎教我。不兒女情癡。

江兒水。旦上。剗地心如碎。須臾腸欲摧。生向鬼門介。

我明日上去便了。旦聽明日去也。傳來謎。向外介。黃

郎你上前來。奴家有話說。生有話快說。趁此無人知。

覺。旦你須切記書中句。莫教望眼空相繼。生還有什

麼說話麼。旦我有滿腹離愁誰慰。若要舒眉。除是涪

州相會。

雁勝令生。我和你乍相逢似故知。感得你把終身許。

我成姻契。又誰知賦別離。這情苦增十倍。你切莫消。

瘦減香肌。須有日做夫妻。且長嘆介生。也不索長吁。

氣。我自然赴你期。且秀才你總是奚落奴家。也須來。

面會一次。生呀。說那里話來。我朝夕銘肺腑。銜卿誼。

莫疑惑。俺不是把虛言將恁欺。把虛言將恁欺。外士。

且避下。

僥僥令外爲名心悄悄。爲利意遲遲。名利烟波非容。

易相公你的行李收拾完了麼舟中有慢萬勿見罪
生多感厚情容小生附舟又打攪老丈殊切不安外
好說生舟金方纔已曾送上不知可少否外太多了
相公今日上去還是明日上去生大率明日上去了
外既如此老夫告辭了明日相送便了生不敢勞外
相公我看你的氣色好得緊此去呵管取喜孜孜衣
錦歸喜孜孜衣錦歸外下

收江南生呀說什麼喜孜孜衣錦歸心願娶你嬌兒

你若蚤把女兒許我呵教你做泰山岳丈兩相依今

日裏令愛呵、算將來只恐有蹺蹊。你不須致疑。你不須致疑。這的是姻緣前定不差池。

園林好。丑引眾上迎生介。轎車馬來迎俊奇。趁晴光

須教便回。相公奉俺老爺之命、特請相公上岸、有帖

呈上、俺爺說相公呵、既到何須淹滯。請速去莫踟躕。

請速去莫踟躕。生我身子一時不快、明日准來拜見、

你們去罷。丑相公俺爺立等相見、總有貴恙、在船中

未能生火、不如上去安穩。生我意已決、不須催促。丑

相公有車馬在此、又不要步行、有什麼勞碌、況且今

日明朝、總是一般何苦如此、還是去了罷、扶生介生
怒介生這狗才、這等可惡、去不去由我、你怎麼做得
主、

沽酒令、你何須苦苦追、你何須苦苦追、激得我怒難

持、丑我是好意、相公何如此發怒、外上相公爲何着

惱、生你這狗才、前日上船時、就來生事、與家長兩箇

鬪口、今日你在我面上、也放肆起來、我與張爺說了、

打死你這狗才、丑慌介相公、小人一路伏侍相公、並

沒有什麼得罪、相公爲何要稟我們老爺、生尙兀自

天馬如
外相公他是奉主之命、惟他不得如今
曉曉辨是非。外相公、他是不計較他。外相公、車馬既
相公寬恕了他罷。生我也不計較他。外相公、車馬既
已在此、還是今晚上去罷。生誰要你多管我、自然上
去的。難道我住在你船裏、一世不成。祇無非一宿兒。
又何必強相催。且內叫介、爹爹進來、他們去與不去、
隨他管造等閒事、怎麼。外說得有理、正是各人自掃
門前雪、莫管他家瓦上霜。外下生背介、呀、驀聽得幾
聲收拾、好教我魂銷魄失、背地裏怎禁悲泣。眾相公
快些登途、老爺又着人來催了。生強升車、介徘徊介

住了、我還要下一下船、衆相公爲什麼、生我呵。一霎
時行急去急。蚤忘卻紙筆。衆下船介相公沒有什麼
紙筆在船裏、去罷、去罷、生呀、恁他們將人恁逼。衆擁
下生回頭掩淚下

尾聲旦哭介看才郎去也流雙淚打散鴛鴦難戲水。
黃郎嗷、今夜淒涼各自知。下

第十二齣

謁貴

賀聖朝外上輔理深慙不逮。劬勩自媿非才。公孫東
閣已曾開。翹首英賢可待。建牙開府主恩深。坐鎮荆

襄眾所欽。自揣疎庸無已報。願將忠益展丹心。下官
張誼只因記室無人。已會聘取年姪黃損到來。叫左
右快請黃相公相見。雜應介。

玉井蓮生幕府遴材。撇下一天恩愛。雜報介。外道有

請相見介。生老年伯請上。小姪有一拜。外途路風霜
不勞了。生外拜介。外賢姪以隋珠卞璧之珍。擅繡虎

雕龍之技。武能戡亂。文足經邦。辱不鄙夷。光生蓮幕。
生老年伯蘊濟世安民之令懷。匡時報主之忠。自能
奏績於旂常。何必取材於襪線。幸承寵召。實切汗顏。

外請坐。生老年伯在上。小姪侍立請教。外豈有此理。
生告坐了。外賢姪當今時事紛紛。中原擾擾。老夫雖
荷主上寵榮。第暮年苦於應酬。特請賢姪到來。煩掌
記室。勿吝珠璣。幸有以教我。生老年伯在上。念小姪
溝中朽斷。鄧野枯株。無能棟梁。清廟代斲。工師惟有
効勞。一念可以少報萬一。外賢姪說那裏話來。

駢馬聽。看你偉貌奇才。命世真儒。臥草萊。分明是珠
沈滄海。玉韞荆山。劍溷塵埃。運籌帷幄。智無涯。折衝
樽俎。端相賴。魚水和諧。喜今朝稅駕。使我不勝欣戴。

前腔生樗櫟庸材。得上龍門免暴腮。真箇是砒砒混

玉魚目疑珠。驚驥相猜。處囊露穎冀將來。才疎術淺

希容蓋。倒屣開懷。喜今朝瞻仰。使我不勝傾戴。末稟

爺飯完。外請到後堂小飯。生不敢。

外今日欣逢命世才。安車遠聘慰余懷。

生匡時自媿無良策。願取勳名列上台。

第十三齣 夢讖

十二時小旦上。心病成斷續。沒把鼻相思。誰語苦淚

難收。愁腸怎吐。鎖禁宮門紅葉空餘。我那黃郎。嗔教


我上天無路。鵲橋仙織雲弄巧。飛星傳恨。銀漢迢迢。暗度金風玉露。一相逢。勝卻人間無數。柔情似水。

佳期如夢。忍顧鵲橋歸路。兩情若是久長時。又豈在朝朝暮暮。奴家薛瓊瓊。自遭奸謀。陷入宮中。真箇度日如年。不知我母親安否。何如黃郎近況。何如教我好生放心不下。且住。今夜七夕佳節。不免向牛郎織女拜禱一番。拜介。

二郎神愁思苦。望黃姑鑒平生悃。奴家薛瓊瓊與黃損呵。誓海盟山。夫與婦相將攜手。堪言似水如魚。

今宵有灼靈錦
已停梭





豈料奸謀折鳳侶。陷深宮半生淒楚。我平昔閒常笑
牛郎織女。一年止相逢一次。今日且奴家與黃郎呵。誰
知道會期無想。天孫仙子翻笑我常孤。一霎時身子
困倦。不免和衣假睡片時。再作道理。睡介

集賢賓

老旦扮織女上良緣常自成閒阻從來好事

多磨。妾乃織女是也。今當七夕。已曾奏過天帝。與牛

郎相會。行到此閒。見薛瓊瓊向我祈禱。我不免暫下

雲頭。解慰他一番。瓊瓊已睡着了。待我喚醒他來。瓊

瓊瓊。日作驚介是那箇。老旦我是織女。小旦驚拜

介賤妾不知天仙娘娘到此有失迎候。老旦我此來呵爲你虔誠把心事吐。因此上特來相顧。小旦但不
知奴家與黃損還有相見之日否。老旦我也難將情
訴。這的是姻緣前數。你休自苦。管成就少年夫婦。丑
扮牛郎笑上。相思不相見。不如不相思。相見不相思。
不如不相見。自家牛郎是也。今當七夕。爲何織女此
時不到。教我等得好不耐煩呀。那邊的想是他了。待
我叫他一聲織女娘娘。

黃鶯兒老旦驀聽遠相呼。丑我牛郎等候多時了。老

且卻原來是我夫。小旦他爲何到此。老旦相催蚤把
佳期赴過來。伊先返途不須待吾。自然來到天河路。
丑嘆氣介。老旦莫嗟吁。今宵有約雲錦已停梭。

前腔。丑特地等卿過。奈鵲填橋欲散何。望娘行早早
圖歡晤。看新月幾何。佳期易徂。况一年剛得逢一度。
莫踟躕。陽臺夢短。良會可蹉跎。樓老旦欲下。小旦扯

老旦介。望娘娘指我迷途則箇。老旦你牢記者。不須
憂寂寞。還省楚憐香。欲下。小旦又扯介。老旦那邊黃
損來也。老旦下。生朱衣紗帽上。小旦叫介。黃郎你來。

了麼、生作不採介、小旦又叫生、又不採介、小旦好奇、
惟你怎麼竟不採我、阿呀、黃郎你好負心也、

貓兒墜、我爲伊消瘦、終日淚滂沱、何事今朝做薄倖、
徒說將明白、莫支吾、你若不說一箇明白、拚奴與你
同面君王、雙入網羅、內喊駕到、生避下、旦驚醒介、呀、
黃郎、你好狠心也、啐原來是一場大夢、

尾聲、我覺來愁病還如故、內打二鼓介呀、又聽樵樓
二鼓、方纔夢見天仙、娘娘說不須憂寂寞、還省楚憐
香、吾想楚憐香、乃先朝妓女、與王維爲生死之約、止

因選入宮中、姻緣間阻、後因憐香墜玉扇、唐王根問情、由卻將憐香賜與王維完聚、今日得此奇夢、莫非我與黃郎、尚有相會之日、咳、天那、我也不指望有重逢之日、但願每夜裏呵、枕畔相親、夢裏過。

疎疎梧影鎖長門、
夢斷巫雲有淚痕。

此恨卻教誰判取、
空留殘月到黃昏。

第十四齣 赴約

遠地遊生上客途、何幸得與仙姿並、把終身教咱管領、記取臨岐再三申訂、到涪州莫教少停、新月曲如

鈎。漸有團圓意。紅豆不須看。暫止相思淚。終日擘桃
穰。人在心兒裏。一朵隔江花。早晚成連理。我黃損蒙
舟中女子。十分眷戀。便以終身相許。約我八月十五
相會。且喜張年伯不在府中。我不免俏出府門。以赴
涪州之約。

六么令把冠兒試整。赴佳期。俏出門庭。忘餐廢寢。幾
曾經。拚得箇五湖行。想婚姻前已安排定。婚姻前已
安排定。呀。爲何門兒緊閉在此。不免叫人開。一開。是

那箇管門的。內應。介是誰。生是我。開了門。我要出去。

拜客內應介黃相公匙鑰老爺帶去了鎖上多有封皮開不得的生怎麼處若是等他回來又有事羈絆怎麼了。噯也罷後園牆上跳出去罷。

前腔卿卿待等奈侯門把我深扃。心忙步急戰兢兢。且喜來到園中呀看薔薇刺幾層層。若還過得真僥倖。若還過得真僥倖。不免攀住柳梢跳過牆去。跳跌介呵噯險些跌折了足罷。正是牡丹花下死。做鬼也風流。急下。


第十五齣

哭溺

山。坡。羊。旦。上。影。淒。淒。難。猜。難。料。意。懸。懸。沒。消。沒。耗。眼。
巴。巴。盼。得。酸。疼。指。尖。尖。緊。把。闌。干。靠。魂。夢。勞。惟。聞。響。
怒。濤。何。曾。見。箇。人。兒。到。咳。黃。郎。黃。郎。你。臨。別。多。情。敢。
是。行。姦。虛。套。蕭。條。明。將。薄。命。拋。迢。遙。誰。將。薄。倖。招。奴。
家。一。見。黃。郎。指。望。終。身。相。倚。只。因。舟。中。耳。目。衆。多。難。
以。言。語。約。他。今。日。在。此。相。會。臨。別。之。時。又。再。三。叮。嚀。
怎。麼。此。時。還。不。見。到。來。黃。郎。黃。郎。等。得。我。好。苦。也。正。
是。夜。靜。水。寒。魚。不。餌。滿。船。空。載。月。明。歸。

引。生。上。天。台。有。路。料。非。遙。何。處。尋。仙。棹。來。到。此。間。已。

天馬姓
卷一
翻滾、白浪
又高杳冥、
不見如花
貌





是涪州了、不知舟泊何處、那邊綠楊樹下、繫一孤舟、

想是他了、借問一聲、船可是裴家的、**旦**黃郎、你來了

麼、**生**教我怎麼上來、**旦**你把纜兒收緊了、跳上船來

相會、**生**做扯纜、**介**纜斷、**跌介**船杳去、**生****旦**嚷哭、**介****生**

呀、心麼了、纜索斷、船已杳去了、**旦**喊哭、**下****生**呀、船到

江心、竟自覆了、怎麼好、**哭介**

山坡羊急得我無投無告、痛殺你難呼難叫、翻滾滾

白浪、又高杳冥冥、不見如花貌、早知如此、我不做那

詞兒也罷、惹禍苗、為你聰明把命拋、我從今不聽求

鳳操願得來生再同歡笑。虛澆名花何處飄。悲號芳
魂若爲招。我今日本該赴水。與你同死。只恐閻羅殿
前。不容相見。可不枉了一死。不如暫回連州。再作道
理。拜介。

鷓鴣天 霧掩清光綠鬢彫。江魚腹葬翠雲翹。玉容蘭
質波心蕩。漢珮秦箏夢裏邀。辭別去。哭聲高。孤身依
舊影蕭蕭。江郎唱徹當年曲。倩女誰知骨已銷。哭下

外丑上 禱告歸來日已西。江雲江樹影淒淒。數聲哀
雁空中落。又叫行人過別谿。老夫賽神回來。不覺天

已暮了。指丑介你去打一打跳。丑尋船不見介。阿爹船竟不見了。外驚介怎麼船不見了。想是方纜不會泊在此處。丑明明歇在這裏。纜在這楊樹上的。外這。是怎麼說。有一隻小船歇在那邊。你去問一聲。丑啊。船上大哥可看見一隻貨船在那裏去了。內應介方纜入水去。翻在江心裏了。外哭介。

山坡羊。痛殺我無兒伯道。羞殺我中郎業倒。我那親兒。嗷。卻緣何做沈水曹娥。影婆娑。老景將誰靠。只做貂。資囊沒半毫。從今料得還家本。我拚死黃泉。免得。

旁人恥笑。投江丑扯介阿爹使不得的。合波濤嬌兒
怨怎銷號咷。我孤身沒下梢。

前腔丑卻教我無船堪跳。分明是災星來照。早知道
遭此顛連。備什麼祭禮祈神廟。外正是早知如此。不

去賽愿也罷了。呵呀我那女兒。嗷丑哭介我好苦。嗷

外難得你這樣好人。今日見我女兒沒了。如此痛哭。

丑阿爹大姐死了。與我什麼相干。外既如此。卻爲何

哭將起來。丑我有木梳包。還有單叉褲一條。誰知一

旦都沒了。外這樣狗才。原來爲這些小事。丑流落他

天馬如
鄉如何是好。合難逃。五行命合招無聊。千行淚未消。

外 嗔我的兒 嗔

外 累伊死別在江濱。暮暮朝朝泣楚雲。

丑 拭淚且來尋旅店。別圖營運博分文。

第十六齣 撈救

出隊子 老旦 淨 扮船家上 蘭橈輕掛。歸路茫茫恨倍加。烟籠遠水月籠沙。此際愁人獨泛槎。試問嬌兒何日到家。老身薛瓊瓊之母。只因奸謀不遂。好端端一箇女兒。把他送入宮中去了。咳。我那兒 嗔來時母女

還相倚、去時只賸我孤身兀的不痛殺我也、淨老親
娘、不須啼哭、且喜今日順風、你坐穩了、待我扯起篷
來、

錦纏道、老旦我那兒、嗔你是奇葩、驪雙鬢、年方破瓜。
啼笑總堪嘉、又誰知將他陷入宮家、朝夕裏、千番恨
萬種愁、百般想殺、真箇是閉朱門、奇禍橫加、這豔質
向誰誇、要見你、除是夢中泉下、音書未可達、痛殺我
孤癸老寡、問人間、那有古押衙、淨阿呀、老親娘、前面
有一隻船、翻在那邊、老旦翻的船、可救得的、淨我一

箇人乍怎麼救得老旦。或者有人在裏頭救了他。也是
陰德淨也罷。待我下了篷。救一救。扯船介。淨驚介。好
了。好了。喫我弄了轉來了。淨作跳過船介。老親娘有
許多東西在這裏。又有一箇小娘子在此。老旦既有
女娘。且扶他過船來。淨扶介。

普天樂。老旦。呀。這娘行多嬌。姹。卻爲甚隨流下堆鴉。

鬢臉欲生霞。看將來二八年華。且喜胸前還熱。口內
有氣多應不死。小娘子甦醒。且呻吟介。老旦。好了。聽
他悶加似孩兒覺來。嬌語呼咱。且醒介。好苦。噯。老旦。

小娘子、你是誰家宅春、因何墮水、旦哭介

古輪臺、媽媽、你同生、涯父爲商賈、泛江槎、老旦、你可

曾適人否、旦、盈盈十五誰曾嫁、老旦、爲何溺水、旦、爲

孤舟斷纜、倒舵難拏、任着狂風吹打、只道今生永歸

長夜、幸娘行救我免波查、淚珠盈把、除非是夢裏還

家、高堂景暮、兒郎年少同歸、畫餅羞殺抱琵琶、傷心

處、何時枯樹再開花、老旦、小娘子、我如今總然要送

你歸去、又不知你父親去向、不如隨我到家中、再作

區處、旦、多謝媽媽

尾聲。老日。相攜去。道路賒。日事急。隨人無奈也。老日。

你但使心安便是家。下。

第十七齣

宮宴

點絳脣。小生扮唐王。旦扮宮女。上。安壤無能。方隅多警。聊乘興。風月閒評。不是拚酩酊。國步艱難。屬此時。興衰自古漫生悲。宮庭秋色。聊堪挹。且對清輝。命酒卮。寡人大唐咸通皇帝是也。奉天受命。忝踐祚而稱尊。繼體守成。得嗣統以立國。只是海宇尙多變故。朝端未見清寧。爲此憂慮日多。歡樂時少。吾想百年迅

速光陰幾何。已曾着宮娥輩。準備歌舞行樂一番有。
何不可。正是當歌憐子夜。爲樂及丁年。內侍稟介啟
萬歲。宴完了。小生分付介。

八聲甘州。小生臨風對景。暫開懷把醜。玉液頻傾。紅
妝輝映。笑看百媚橫生。歌聲喚出一輪月。舞態翻成
五色雲。合掖庭。端不讓瑤島蓬瀛。

前腔。眾寰區從此期太平。願烽烟靜掃。萬國咸寧。中
興睿主。朝野盡皆稱慶。宵衣旰食。休縈慮。選伎徵歌
且暢情。合前小生宮娥中那一箇。是薛瓊瓊。小旦。奴



歌聲喚出一輪月
舞態翻成五色雲



婢有、小生我聞得你善於彈箏、你試彈一曲與寡人
聽者、小旦念奴婢幼年麤習、自入宮中、手生荆棘、久
矣、小生你不須謙讓、

不是路、叫眾宮娥、你速整銀箏、薛瓊瓊你不必推辭
試一鳴、小旦還悲哽、我愁多忘卻舊音聲、眾你莫留

停、疾忙領旨來供應、小旦列位姐姐、我自入深宮彈

未曾、眾萬歲爺主意、你怎固辭、小旦重思省、恐彈來

不中君王聽、眾啟萬歲爺、不知命彈何曲、小生這也

不拘、憑伊遣興、憑伊遣興、小旦彈介、我自入宮之後

阿、

解三醒看多少。落花鋪徑受多少。明月淒清經多少。
寒風吹雪威偏勁。歷多少。黃昏後。剔殘燈。見多少。雙
雙蝴蝶飛相趁。對多少。兩兩鴛鴦睡不驚。欄干凭。更
難禁。蕭蕭敗葉孤雁哀鳴。小生好果然彈得好。

前腔羨殺你儀容嬌靚。更新詞宛轉堪聽。叫內侍取

彩緞十端賜與瓊瓊。小旦謝萬歲爺賞賜。小生綵繪

何靳纏頭贈。須不負舊知名。你纖纖玉指聲偏稱。聽
裊裊餘音情不勝。誰堪並。只除是吹簫羸女。鼓瑟湘

靈。小旦遞酒介

黃龍滾衆君王笑臉迎。君王笑臉迎。之子邀恩幸。樂
奏鈞天。豈是塵凡境。碧梧金井。秋光絕勝。算人生要
解愁。何用醒。

前腔。遙天月正明。遙天月正明。萬里開寒鏡。鏡斗轉參
橫。掩映昭陽影。露冷風清。宵分籟靜。問鑾輿迴駕來。

向何宮幸。小生分付回宮

尾聲及時行樂。頻中聖。且暫把歡場管領。莫爲憂危
意未平。

歌殘舞罷月移廊。此夜淹淹樂未央。
解得百年終日醉。祇應三萬六千場。

天馬煤卷上終

夫思無心也

歸與我歸且逐
此牙齧齧樂未央

天馬媒卷下目錄

第十八齣

泣故

第十九齣

遇仙

第二十齣

劾奸

第二十一齣

會審

第二十二齣

復奏

第二十三齣

賜婚

第二十四齣

設計

第二十五齣

僑如

第二十六齣

威劫

第二十七齣

囑馬

第二十八齣

驚歡

第二十九齣

詭貽

第三十齣

拒婚

第三十一齣

回話

第三十二齣

天合

第三十三齣

愧死

第三十四齣

萍聚

第三十五齣

團圓

第三十五篇

國圖

天馬媒卷下

彙刻傳奇第二十七種

古吳劉方晉充著

夢鳳樓

刊校

暖紅室

第十八齣 泣故

一剪梅生上飄泊如同不繫船。去也堪憐。住也堪憐。

宮中泉。下雨茫然生也。無緣死也。無緣。小生黃損向

與薛瓊瓊訂盟。不意瓊瓊被呂用之。陷在深宮。今生

料難相見。前者附舟之楚。又蒙裴玉娥謬愛。約我涪

州。面沒相從之策。我如期而往。拽纜登舟。誰想水勢

洶湧力不能持、纜斷舟漂、順流而去、有如飛電、及至江心、竟自覆溺、咳、我想生死固有天數、只是此女爲我而亡、此心時刻不安、我雖堅志不娶、亦何以慰幽魂於地下、今當暮春、天氣情緒殊覺無聊、好生傷感人也、

黃鶯兒孤館抱愁眠、更春歸欲暮、天隨風亂墜桃花片、相思病纏傷心淚、漣空山杜宇聲聲怨、苦淹煎、淒涼無限夜壑、翳嬋娟、想當日舟中相會、玉娥但見其愁態、千般未悉其歡容、何似咳玉娥、玉娥、

集賢賓 你遠山簇損眉黛閒似垂楊裊裊風前掩暎
嬌容多婉轉嬌啼處鶯聲雨囀香溫玉軟誰料做流
星飛電我難消遣真箇是捱日如年若當日沒有此
變今日裏呵

簇御林似營巢燕戲水鴛影雙雙並蒂蓮齊眉舉案
頻相勸到如今空想同心串淚如泉無端飛絮故把
旅魂牽

貓兒墜無邊風月翻做惡姻緣這段衷腸若箇憐仙
槎飄沒玉容捐情懸怕看那滿樹梨花淡月籠烟且

住我聞得上國開科。小生雖不欲赴試。只是當日蒙
張年伯破格垂情。爲因要赴涪州之約。不別而行。前
日又蒙他以書相招。我只得上京走遭。咳。天天我此
去就中了狀元。那消得我胸中萬縷愁腸。千般離恨。
尾聲。宮袍畫錦非吾願。願只願泉臺作伴。那時節得
覩嬌姿願始完。

姻緣富貴未堪期。旅況蕭條儼舊時。
寄語幽冥休飲恨。酬卿惟有淚偷垂。

第十九齣 遇仙

長相思。旦上。悶懷添。病轉淹。爲憶嚴親倦整奩。慵將
鍼綫拈。老旦。病難痊。悶又添。爲憶嬌兒不捲簾。從他
絲網粘。相見介。老旦。清平樂。嬌兒別久。愁緒如殢酒。
風吹榴花紅欲剖。問道長門知否。旦。夏來春去。心

傷他鄉賸有悽惶。年老嚴親夢杳。多情夫婿難量。薛
媽媽。我蒙你救得殘生。收留在此。銘心鑄腑。恩德難
忘。只是我爹爹多年老。不知下落。我終身結果。未知何
如。教我如何是好。老旦。小娘子不須愁煩。老身到有
一計。可以完你終身。未知尊意若何。旦。有何見諭。老

天馬如
卷一

旦我家女兒瓊瓊原是教坊第一名流、他在家時、車馬填門、金珠滿橐、只因入宮去了、門戶年來冷落、我看小娘子芳姿麗質、與我女兒無二、你若肯倚門獻笑、豈少公子王孫、你意下如何、

旦怒介呀、媽媽、你說那裏話來、奴家雖落難至此、自古道烈女不更二夫、儻後有出頭日子、決不忘你今日、何故奚落奴家、

老旦小娘子不須着惱、我前日聽見你說、未曾出嫁、故爾冒昧、你方纔說烈女不更二夫、想是有丈夫的了、

園林好、

旦問六禮雖然未詹、記相見曾遺一函、只爲

風狂波險。驀忽地滯妝奩。只落得淚痕添。老旦小娘
子。你說的言語。老身還不明白。你須從頭逐一說與
我知道。旦媽媽實不瞞你說。我丈夫雖有。不是我爹
爹婚配的。是我不媒自嫁的。老旦卻是爲何。

嘉慶子。旦我偶然玩月愁黛。歛更難。禁鬼病。慊慊只
得把錦箏檢點。不想其時有一人附舟之楚。他聽見
我彈箏。到第二日做詞一首。擲進內艙。我拾來看時。
見他是箇才子。因此上背家嚴。私相許効鸚鵡。老旦
已後便怎麼樣了。旦已後船中耳目衆多。未便接談。

約那生八月十五日舟至涪州我爹爹祭賽去了可
以相會至期那生果不爽約來到涪州不料纜斷水
急舟竟隨流漂沒幸得媽媽相救到得這裏

尹令鎮日裏千番作念要相見如隔天塹況那生呵
作客幾同張儉這段離愁一自生來尙未諳

老旦嘆

原來如此但不知那生住居何處姓甚名誰

旦那生

姓黃名損家住連州老旦悲介

品令旦呀娘行爲何驀地簇眉尖無端悲悼頓使悶
懷添莫非那生與你呵是的親瓜葛向來成拋閃老

旦我那兒、旦潛潛流淚。越教我愁腸如砭。望乞披心細說根由。莫見嫌。

豆葉黃、老旦那生呵。是曾經到此。儀範頻瞻。旦他爲何到此。老旦他與我兒自訂深盟。因別去光陰荏苒。自從我兒去後。他竟不見到來。想是曉得我兒信息。故此不來了。旦媽媽。我看那生定是有情。沒非薄倖。多應他有事。不得工夫。沒不以令愛去留。易念。老旦雖然如此。只是今日裏呵。縱他相念。難把家人卦占。旦切莫把愁腸百結。切莫把愁腸百結。他若來時呵。

管取你終身也得顏舒意恬。老旦多謝小娘子。小生扮道者上。姻緣姻緣。事非偶然。謀事在人。成事在天。我乃氤氳使者。裴玉娥將有災厄。須將玉馬墜救他。此間已是薛家門首。不免逕入。老旦驚介。道者到此何幹。小生。小道特來募化齋糧。小旦對老旦介。媽媽。我看此人氣宇非凡。定不是常人。你齋他一齋。老旦。便是。道者。你住在此間。我去收拾飯來齋你。小生多謝施主。老旦下。介。旦。道者。我弟子落難在此。不知後來可有好日否。

玉交枝 小生小娘子我看你儀容嬌豔最堪憐愁牽

病淹旦但不知終身結局何如小生不須提起終身

事只目下便有些災險旦驚介請問老師災從何來

小生無端羅網忽相纏旦可脫得過否小生這場冤

債前生欠旦這等老師救我一救小生要禳解空房

煞潛要禳解紅鸞喜沾。

江兒水旦呀老師說那裏話來我空房甘自掩紅鸞

那得占白珩肯被青蠅玷晨昏惟守齋鹽淡孤嫠何

事罹坑塹拜小生介望發慈悲相念若得救援災遭

敢把深恩拋閃。小生。噯也罷。我看你這般苦楚。我便

救你一救。出玉馬介。你將此玉馬佩之。衣帶不可使人知覺。可以免禍。旦。這玉馬怎麼就可以免禍。

川撥棹。小生。你若將玉馬佩之於身呵。是將他魔這

災星應不染。但只要閉口如鉗。但只要閉口如鉗。你

若脫此危途。管取愁消喜添。旦。這終身恐滯淹。小生

運通時好事兼。

尾聲。老旦。黃梁飯熟聊堪饜。師父請到裏邊用齋。愧

殺蓬茅寒儉。小生。多謝施主。你禮意殷勤。語過謙下。

第二十齣 劾奸

小蓬萊生冠服上騰踏風雲初際書生幸脫寒微欲
報君恩先除奸宄今日陳情丹陛爲問當年素服儒
於今腰下佩金魚分明有箇朝天路何事男兒不讀
書下官黃損幸喜叨中狀元蒙聖恩除授翰林只是
下官戴此天高地厚之殊遇怎做得醜顏肉食之鄙
夫可恨呂用之這厮出身微賤濫廁朱緋不思爲國
爲民慣一招亡納叛日惟誕妄包藏禍心眼見宮門
必生荆棘滿朝中畏如虎狼一箇箇鉗口結舌下官

今日陳情丹陛





天馬奴
卷一
夜來構得疏章。歷數其罪萬一。聖上准奏爲國家除
此元寬也不枉我黃損一點忠憤。迤邐行來。已是午
門外了。不免俯伏。則箇內問來者何官。有何文表。就
此披宣。

入破第一。生翰林臣黃損啟。自分才卑鄙。敢濫竊言
官之職。奈滿朝皆尸位。盡黨奸回。臣謹誠惶誠恐。冒
死萬死。竊念用之。出身商僧。盜伊戚。亡命九華山裏。
偶得遇方士。授用之。以役鬼。因邪術。高駢心喜。幕府
親隨。朝夕誕妄妖媚。似狐狸。樹黨朋謀。肆行無忌。

破第二恨殺奸徒。倒置無冠履。更腹心妖黨。諸葛殷
張守一。不顧名義。三人結契。窮奢極侈。傷化滅倫。流
毒難洗。

袞第三但君闇杳。在密勿實。未知詳細。他狐假虎威。
狐假虎威。要權勢。結近侍。僭以門阿之制。政府刑曹。
政府刑曹。掌握盡皆若輩。勢已危。紀律惟姦。陰謀詭
秘。

歇拍從古姦回。從古姦回。實無其對。如此僉王。如此
僉王。行不軌。言狂悖。橫京畿。盤踞一方。擅用勅符玉

爾舉世悠悠全無是非。

中袞第五。況近日用之。近日用之。遇出入必用千人。衛重賦煩刑。重賦煩刑。家愈肥。民愈瘠。尙躊躕爲弄。誘人爲弄。誘人入資財。得贖罪。儻遇貧民。必遭粉齏。煞尾。恨忠藎俞公。恨忠藎俞公。屢屢加規誨。遣歸里。謀殺之。使朝班盡低眉。況且穢污非常。擄遍民間子女。最可悲。母失其兒。夫亡其配。

出破若蒙信從。賜誅夷。上免社稷累。庶可令民心士氣。化愁爲喜。臣伏候垂慈俯鑒。不勝屏營之至。內云。

且退午門外候旨。生萬歲萬萬歲。下淨急上介。

滴溜子。好惱。聞排擠。聞排擠。上瀆官裏無知輩。無知輩。敢犯虎威。思之。這冤深無底。我遭逢際聖明。寵榮無二。可恨狂生。矢口亂譏。方纔在睡夢中。有人來報。說黃損這小畜生。上疏劾我。我想滿朝中。那箇敢來唐突。他是新進書生。輒敢如此無狀。嗟。我曉得了。他與薛瓊瓊。原是至交。見我獻與聖上。爲此銜恨。我如今就將此事。做一箇本頭。說薛瓊瓊與黃損。內外交通。私相遞柬。不怕聖上不震怒。將這小畜生斷送了。

他也出俺胸中惡氣。此間已是朝門外，不免俯伏。內云：丹墀下俯伏者何官？有何文表奏來？淨臣呂用之奏爲奸邪亂法，污衊宮禁，乞賜誅夷，以清中外事。翰林黃損與宮娥薛瓊瓊私相遞柬，內外爲奸，伏乞勅下法司究問。內云：黃損呂用之交相劾奏，朕實疑之。着呂用之從實奏來。

啄木兒
淨臣呂用之呵懷忠盡際聖時，心跡昭然衆所知。守官箴潔己爲先，報皇恩盡職無私。招權樹黨，非吾事。讒言利口，將人刺。這是無影欺君罪，可誅。內

云呂用之所奏黃損與宮人薛瓊瓊交通事情有何指據着再奏來

前腔淨那黃損呵人無賴行可嗤只爲宮中一嬪妃與書生暗約姻盟恨微臣送入宮闈近日呵御溝流葉傳心事禁庭遞柬挑春思這是通內宣淫合重誅

內云且退午門外候旨淨萬歲萬歲萬歲外曉日曔曔

映玉除未央初駕五雲車萬言獨對天人策借問誰如董仲舒下官張謹聞得黃年姪劾奏用之大快人心不知聖旨若何且到午門外打聽則箇遇淨揖介

淨張老先爲何來得恁早、外你先在此了、我也算不

得早的了、淨我有政事、外什麼政事、淨張老先、我正

要來告訴你、可恨黃損這小畜生、他纔得進身、便思

想排擠我們、你道情理也不情理、外嗔、聖旨若何、淨

我方纔也上他一本、外上他什麼來、淨說他私通薛

瓊瓊、表裏爲姦、乞聖上立賜處分、外怒介

三段子、外怒介、你翻雲覆雨、盡都是欺君蔽主、淨他

是這來、我是這去、也不差、外伶牙俐齒、盡都是陰謀

詭計、姦回心性真無比、君王明聖難容毀、淨張老先、

爲何如此發怒。且與你到朝房中說一箇明白。外我
與你同去見聖上。誰與你朝房辨是非。同淨進俯伏
介內云俯伏者何官。

滴溜子外臣張誼。臣張誼有事奏知。那呂用之呵肆
奸邪。萬民切齒。今日裏今日裏。反捏虛詞。陷黃損宮
闈中事體。舉朝耳目難瞞昧。兩人性命非容易。望賜
推詳。還應反坐之。內云聖旨道來。據呂用之所奏事。

必有因。今發出宮娥薛瓊瓊。并黃損。卽命呂用之與
張誼推問端的。奏奪退班。外淨萬歲萬歲萬歲。淨張老

先如今是奉旨拷問，不是下官私意了。外不必閒講。

外且到明朝辨有無。淨背管教殺卻那狂徒。

外混濁不分鱧共鯉。水清方見兩般魚。

第二十一齣 會審

金蕉葉 生扮青衣小帽上命遭運遭這冤讐何時始

消吐不盡元龍氣。豪湊不圓徐郎鏡剖我黃損。昨冒

死陳情自謂凶多吉少。今果然不出所料。聖上聖上

不准我的奏章也罷。爲何反信奸臣之言。要將薛瓊

瓊發出。與我對理。今日得見瓊瓊一面。也是奇事。只

是發與奸臣訊問、必無生理、幸喜同問官是張年伯、他必然力持正氣、不中奸謀、或者不至於死、也未可知、此間是法司門首、不免伺候則箇、

遶紅樓外、眾引上、叵耐姦回似鏡、果然笑裏藏刀、

淨堪恨狂生、今番訊拷、管教三尺不相饒、相見介、淨

張老先、今日奉旨審問黃損事情、要大家掣出公道、不可徇私、外那箇徇私、只要你掣出公道來就是了、淨不必閒講、快催薛瓊瓊出宮、并帶黃損進來、

燕歸梁、小旦獨守長門受寂寥、這冤事彌天造、眾犯

官一起進、小旦見生介、抱哭介、

哭相思、阿呀、我那黃郎、嗷、自別無些音耗、難禁夢斷

魂勞、外將薛瓊瓊帶過、一邊黃損、聖上道你與薛瓊

瓊書柬相通、是誰人傳遞、有誰證見、你且說來、淨老

先生差矣、宮闈中事體、那箇與他作證、只是有了影

響、便是該死的了、外、嗷、不消證見、便要入人一箇死

罪、吾想那箇死罪、可是莫須有、三字成得的、淨、是、是、

黃損、你且從實說來、免受刑法、生念黃損與薛瓊瓊

阿、

泣顏回從締鳳鸞交。在秦樓漢佩曾邀。淨我且問你、

薛瓊瓊既然與你有婚姻之約、何不取到家中、成其

夫婦、生雖然草草、兩心已自堅牢。誰知禍苗陷宮庭、

形影空相弔。到如今跡類蓬飄。又何緣寄語多嬌。外

且下去、淨不會問得一箇明白、怎麼就帶下去、還帶

上來、外薛瓊瓊上來、有人陷你與黃損私通、此事真

的麼、小旦念瓊瓊其實私通的、淨如何、外不是、噯、說

你入宮之後私通的、小旦這是那裏說起、淨你方纔

招了、如今抵賴不得了、小旦呀、念瓊瓊自入深宮、已

如槁木死灰。那得傳消遞息。

前腔思之。此恨實難消。好生生夫婦和調。誰知強暴。

淨喝介小旦將奴罔獻皇朝。我柔枝嫩條。入長門孤。

苦無依靠。但淹淹一息徒存。又何心紅葉相挑。

撲燈蛾淨張老先也不須再問着。且自成招稿。黃損。

過來你既讀聖賢書。怎將宮禁兒戲也。行姦賣俏。只。

圖歡樂恣輕佻。全不顧萬民恥笑。今朝一命總難逃。

前腔外莫將唇鼓搖。也要存公道。中外隔如天。怎把。

宮人來調也。陰謀籠罩。平空造出這根苗。可見你心。

兒忒小黃損過來、你無端被陷莫成招。淨難道聖上發下犯人、供招也是沒有的、外不要管我和你同去覆奏便了、縱道奸邪似鬼、也須上有天知。淨笑罵由他笑罵、好官我自爲之、分付左右、人犯要緊帶好了、生小旦抱哭介

尾聲等閒又是災星照。這段冤情那曉。還望皎日當空魑魅消。衆催下

第二十二齣

覆奏

碧玉令外堪恨姦徒妄挾讐。且來到彤庭覆奏。淨要

天恩如
卷下
快私謀。那管千年遺臭。合祥雲靄咫尺天威。勿勞多

口。俯伏介。淨臣呂用之奉旨詢問黃損與薛瓊瓊謹

覆奏內云奏來

駐雲飛。淨黃損姦謀。昨日蒙恩鞫罪繇。不用深推究。

已自甘承受。蔡乞付法司收。罪須難宥。薛女瓊瓊錦

字原非謬。伏候明綸并繫囚。外臣張誼謹覆奏。那呂

用之因強逼薛瓊瓊不從。又恠黃損劾奏。

前腔爲挾私讐。欲陷忠良造此謀。况黃損與薛瓊瓊

呵久已諧婚媾。那肯從禽獸。蔡因獻漢宮斷使黃損

與瓊瓊遂成迤逗。今日呵宮闈森嚴何處通情竇。伏
望天恩赦罪尤。并伏原官遂好逑。丙云聖旨道來古
者帝王治世必使內無怨女外無曠夫朕雖涼德夙
聞古訓薛瓊瓊既與黃損有婚姻之約卽命張誼主
婚遂其于飛之願仍復黃損原官呂用之蠹國殃民
且挾讐妄奏本該重處姑念老臣着歸田里終老欽
哉謝恩外淨萬歲萬歲萬歲

外忠良正氣已能伸。聖主從來辨假真。

淨君子落得爲君子。小人甘自做小人。


第二十三齣 賜婚

霜天曉角。生蒼天莫問。何事把男兒困。非爲功名喫
緊。奈何冤屈難申。我黃損、忝中狀元、叨居翰苑、旣列
清華之地、可展微才、且抒忠蓋之懷、欲除權倖、不料
呂用之、反誣奏我私通宮闈、昨日蒙旨發出瓊瓊、與
我質對、叵耐用之、這厮不容分割、竟欲陷我於死、幸
得張年伯竭力護持、今早覆奏聖上去了、未知吉凶
若何、咳、天天我觸奸而死也罷、只是瓊瓊死於無辜、
我死亦不瞑目、末扮院子上稟老爺、張老爺到、


青玉案前半外從諫如流羨聖君看雷霆息覩陽春

相見介生老年伯小姪擬了什麼罪名外年姪可喜

聖上見我奏你原與瓊瓊有婚姻之約一旦被奸臣
銜恨送入宮中使其兩下情絕望聖上憐而赦之并
乞賜出瓊瓊與黃損仍爲夫婦呂用之姦邪誤國并
乞立賜處分聖上准我所奏就命我主婚賜瓊瓊與
你成婚將呂用之罷歸田里瓊瓊卽刻到門你快換
了冠帶換冠帶介生小姪與奸臣作對自謂必無生
理今賴得老年伯拔出危途不惟苟全首領抑且得



珊、環、珮、雜、麟、這
姻、親、果、是、殊、恩



遂姻盟此恩此德何以爲報跪介外扶起介外不必
 如此瓊瓊想已就到告辭了生老年伯小姪並無父
 母兄弟在此就請老年伯在此受了一拜也見小姪
 一點孝心外豈敢喜從黃閣聯婚事更荷彤庭受主
 知看取洞房花燭夜絕勝金榜掛名時外下介

風入松衆扮宮女隨小旦上珊珊環珮雜鱗鱗這姻

親果是殊恩貼來翠鈿添風韻小旦夢不到碧梧宮

闡論世事原無準憑這終身又出長門雜贊禮介拜

堂介生列位多勞前廳少坐茶飯雜皇命緊急心放

暫留說甚仙郎能折桂。卻教天上下嫦娥。雜下介生
咳娘子我和你相別到今。自謂黃泉重見。不道又有
今日實出望外也。

江頭金桂小旦只道我終身幽恨。誰知荷天緣遂。晉

秦今日裏皇都重會。再締婚姻。這相逢恐未真。生我

爲你氣飲聲吞。夢中難近。自聞了入宮之信。心內如
焚。恨不得奮飛將苦念陳。幸明君堯舜。幸明君堯舜。
轉環不吝。合仗天恩。說甚夫妻本是前生定。只是焚
香祝至尊。

生幸得君王成始終。小不須憂慮歎西東。

合今宵勝把銀缸照。猶恐相逢是夢中。

第二十四齣 設計

秋夜月淨上我爵位高。誰敢和咱鬧。堪恠狂徒生嫉
媚。皇帝老兒沒分曉。反聽他計巧。這憤恨怎消。我呂
用之久居顯要。慣結人心。滿朝中誰不低頭。普天下
盡皆鉗口。叵耐黃損這小畜生。纔得進身。便思排擠。
不料主上聽信。將我斥歸田里。吾想這椿事。都是張
誼這老頭兒黨惡做成的。方纔着人去請諸葛般張

守一到來、與他商議一箇計策、擺佈他、方出俺胸中惡氣、叫左右的、快請諸葛爺與張爺到來、雜應介

前腔副心下焦權勢都失了、丑當初你我稱榮耀、今

朝巢覆如何了。副呵什麼卵脬、丑各打帳脫逃、眾報

介副丑相見介我等昨日就要來奉候、恐怕嫌疑之

際、不敢參謁、今蒙寵招、有何見諭、淨今日奉屈、非爲

別事、只因黃損這小廝、交通張誼、將我劾奏一本、說

我罪惡多端、連二位也串在裏頭、副丑介他說明公

罪惡多端、這是天理沒有的了、只是聞得明公也上

天馬妙
卷一
一箇疏、怎麼樣了、淨二位我昨日呵、

鎖南枝將虛詞造奏聖朝。副丑介將何爲題、淨那黃

損與我作對、原爲薛瓊瓊起的、我就把他做一箇題

目、說薛瓊瓊與黃損、暗裏通情、效御溝流葉故事、副

丑介此計甚妙、淨二位我指望將他陷罪、怨始消、誰

想禍根苗、張誼來聒噪。副丑聖旨如何、淨那時我與

張誼、在丹墀下大鬧一場、連聖上也沒有在意了、只

得將瓊瓊與黃損、發與我訊問根繇。副丑發與明公、

這是不怕他不招、淨我一人訊問、怕他不招、可恨張

誼也在那裏同審、遂無所施其伎倆。副丑已後怎麼
了、淨只得朦朧問。他也不肯招。聖上呵、反信讒言。完
舊好。副丑完什麼舊好、淨因張誼一面之詞、說薛瓊
瓊實與黃損舊有婚姻之約、乞聖上賜出瓊。瓊完其
舊好、庶海宇無怨女曠夫之歎。主上遂從其奏。卽命
張誼主婚。賜瓊瓊與黃損成親。又將我斥歸田里。副
丑咳有這樣事、正所謂無梁不成、反輸一帖。淨如今
還求二位、尋一箇計策、弄得他倒便好。副我兩人蒙
明公天高地厚之恩、此官此身、皆明公所賜。我如今

二人連名草一奏章備述明公平昔爲國爲民與朝
廷出寡力幹好事、或者聖上准奏復還原官、也不可
知丑諸葛哥差矣、明公自己上本、尙且不准、何況你
我況且此時、俱是小人的世界、莫若靜以待之、少不
得有明白的日子、淨若是這等、難道就罷了、不成、總
不能上本伸冤也、難道及看黃損這小畜生橫行、且
得夫妻完聚、副明公這箇不難、自古道、一不做、二不
休、如今再尋一箇計策、拆散他夫妻、有何不可、淨聖
上主婚的、恐怕拆散不得、丑、頃有一妙計、在此、管教

明公歡喜淨在心麼丑明公如今要薛瓊瓊還是不要
淨薛瓊瓊已隨了那小畜生了、怎麼要得他丑不要
管還你一箇薛瓊瓊就是了淨怎麼丑昨日遇見一
人說瓊瓊依然在家、並不曾入宮、小子也不信他、再
三訊問、他說當初明公將瓊瓊獻之主上、他母親竟
將嫡女藏過、卻將假的送入宮中、如今真的還藏在
家裏、明公多着些人搶他到此、自取其樂、使黃損知
之、可不愧死淨妙計妙計、明日就差人去便了副丑
明公事不宜遲

前腔速扛轎。快整鑣。家僮箇箇要騁豪。他若又藏着。
各處須搜到。淨多感你。算計高。總有鬼神機。須落我
圈套。

計就月中擒玉兔。謀成日裏捉金烏。
從來恨小非君子。始信無毒不丈夫。

第二十五齣


嬌妬

步蟾宮小旦餘生幸托多情種。今日得珠圍翠擁。
若非明聖鑒愚衷。險送在古邨荒塚。小旦憶昔昭陽

春。又春。紅羅襦上滿啼痕。生誰知。今日還相傍。總是

汪洋浩蕩恩。夫人我和你只道今生永無見期。誰料
又有今日。此皆聖天子之洪恩。張年伯之厚德。小旦
相公。我想榮枯得失。人世之常。離合悲歡。前緣分定。
我自入宮之後。時刻想念。偶然節遇七夕。得一奇夢。
夢見織女娘娘對我說。不須憂寂寞。試問楚隣香。又
夢你朱衣象簡。得入朝內。那時節。你還未及第。如今
看起來。也都應了。生。噯。有此奇事。小旦。相公。今日閒
暇在此。你把別後情。試說與我知道。生。夫人。你不
問別後情。猶可。若問起呵。

從今飲食三
人共



天馬女
卷一
太師引好教我悶萬端愁千種。自別伊我的身如轉

蓬。一日時值新秋、附舟至楚、訪一故人、其夜見月明

可愛、推起蓬窗、玩月閒坐、驀聽得箏聲三弄。小旦有

人彈箏、生那箇箏聲、頗類夫人所彈、我心竊驚訝、

因細覓之、原來舟中一箇女子、皓齒明眸、撫箏長歎、

我次日不合作詞一首、悄悄地擲進、他見了我詞呵、便

許我從一而終。小旦他竟把終身許了你、已後便怎

麼樣了。生他因舟中耳目衆多、難以言語約我到八

月十五、涪州決策、我如期而往、我只道做齊眉梁孟。

豈料他黃泉飲痛。小旦卻是爲何。生夫人我一到涪州。他果倚舟相待。他見我不勝之喜。教我將纜扯攏。上船說話。不料水急纜斷。舟竟隨流。去。哭介。歎玉容霎時赴水宮。小旦難道就救不得了。生夫人說那裏話來。怎做得馮夷河伯可相從。

前腔。小旦這是前生冤孽種。又誰知逢吉化凶。小旦

悲介。生夫人你怎麼也悲傷起來。小旦相公我想奴家與你呵。若不遇聖明寬縱。少不得似那人落空。相公這樁事。明是你將他斷送。怎忍把一靈兒如春夢。

他須索要含冤冥中難道是爲伊死你反等做飄蓬。

生夫人我幾曾放得下來。小旦相公此女爲你而亡。

況且他曾把終身許你就是你的妻子了你也該安

置他孤魂勿使其銜恨冥途便好。生夫人言及至此。

使我寸腸俱斷。但此女旣已溺水又難得其屍首殯

葬。惟有朝夕飲泣以酌其情意耳。小旦相公奴家到

有愚見在此。生願聞。小旦自今已後我與你每遇飲

食須虛設一坐位與之同食再設臥房一間內鋪榻

一張一夜在我房中來寢一夜向那邊房裏去睡方

可耐彼一番眷戀之情，他也不枉了一死。生：夫人下官想不到此，難得夫人這般賢德。夫人請上，待下官拜謝。小旦住了。我和你夫妻之間，說甚麼拜謝。生：夫人此一拜是我替那舟中女子拜的。拜介。

三學士感得夫人言切中，料冥途欣慰無窮。小旦從今飲食三人共，清夜裏須知夢可通。生：這般賢德真可重，得全始又全終。

小旦一靈寂寞已多時。生：從此冥途應展眉。

合：天長地久有時盡，此恨綿綿無盡期。

第二十六齣 威劫

金瓏璫半日愁城偏禁我。這終身知他怎麼平白地
起風波。鎮日難存坐。流珠淚臉添渦。何日裏笑顏和。
奴家玉娥自從涪州溺水。幸得薛媽媽相救。攜到家
中日食身衣。深虧他照管。前日偶然閒話中間說起
心事。不道薛媽媽的女兒先與黃郎有約。後因選入
宮中。姻緣間阻。咳。黃郎。黃郎。你有兩箇心上人。一箇
也不得相親相傍。你好命薄也。今日薛媽媽不在家
中。且把門兒閉上。等他回來。閉門介。咳。吾想爹爹。只

靠貨船度日。如今舟又溺了。不知他怎生過活。

九迴腸望家鄉。霧迷烟鎖。誰知道平地與波。咳。爹爹。

爹爹。你只道做孩兒的隨舟飄沒了。那曉得我到在

這裏。我孤身飄泊。真無那。思前事在心窩。好逑君子

情難捨。薄命紅顏恨轉多。遭坎坷。早難道似風前花

落沾泥污。再難上連理芳柯。嗟。黃郎。我雖苟全性命。

不知你踪跡又在何處。縱留殘喘。誰憐我。要寄音書

怎到他。這痛苦天應鑒。不信是終摧挫。直待鬢兒皤。

香柳娘。外末副丑扮院子上走。嗟。恁娼家薛婆。恁娼

家薛婆擅藏奇貨。管今朝欲走還無路。列位哥。這裏
已是薛瓊瓊門首打進去。外不要動手。且叫他開了
門。慢慢進去。省得驚走了瓊瓊。衆說得有理。開門。開
門。且這人聲衆多。這人聲衆多。衆亂嚷介。怎麼不開
門。且呀。何事亂相訶。我心頭灼如火。衆打進介。他不
開門。打進去。且列位。是何方大哥。是何方大哥。到此
怎麼還求說破。

前腔。衆爲瓊瓊久窩。爲瓊瓊久窩。特來相顧。我們呂
府差來的。俺老爺要瓊瓊。一見你就是了。你不須驚

訝忙移步。且列位不要認左了。瓊瓊久已入宮。這是
那裏說起。衆我曉得入宮的是假瓊瓊。如今要你真
的。且列位。你言詞太訛。你言詞太訛。衆薛瓊瓊是你
且薛瓊瓊是他。衆你是什麼人。且裴玉娥是我。衆列
位哥不要管。是不是。且拏去見老爺。且哭介。衆也不
須話多。也不須話多。且擁嬌娥。憑爺發付。衆擁且哭
下

第二十七齣

囑馬

清江引

小生扮道裝上。姻緣自古難相強。空自爭螭

蚌飲酌總前生。伉儷終相傍。看赤繩繫足。應不爽。我

乃氤氳使者。今日裴玉娥。合當有難。不免喚玉馬出

來。分付救他。則箇玉馬何在。馬上跳舞介。小生玉馬

今日裴玉娥有難。玉馬俯伏介。

北後庭花煞。小生您與俺入侯門向洞房。您與俺護

佳人蹂鴛帳。您與俺騁蹄嚙驚鹵莽。莫使他醉醺醺

喜氣揚。您須是謹隨身守象牀。他若是不肯除妄想。

您須是遇奸黨。逐一傷縱威風大發狂。玉馬點頭介。

待奸徒着了忙。好撮合成隨唱。這場功績高天壤。那

時與恁聞天帝管取和咱叩上蒼。切莫要絲毫爽。這
的姻緣分定也。須仗您輻湊鸞鳳。你須牢牢記着。玉
馬又點頭介。呂用之。呂用之。你

錯認瓊瓊假是真。教伊此日受災迤。
憑君使盡千般計。難買人間一夜恩。

第二十八齣 驚歡

生查子。淨。終日想紅顏。迷亂心如醉。喜得遂佳期。今
日纔歡會。心有靈犀一點通。佳人到底屬英雄。做成
鸞鳳青絲網。碾就鴛鴦碧玉籠。可恨黃損這廝。將我

天馬如
卷一
劫奏又被張誼做圈做套、弄得薛瓊瓊出宮、與他完
聚、那曉得宮中的是假瓊瓊、真的還在我處、可見天
理昭彰、人心難昧、不免喚瓊瓊出來、與他溫存一番、
叫侍女伏侍新娘出來、

憶秦娥前半丑扮梅香隨旦上
身憔悴果然災到難

逃避難逃避料應殘喘喪於茲地
肯立介淨瓊瓊我

的兒我當初何等想念幾次着人來請你你再不肯
到府中以致吾一時之憤將你獻入宮中我只道你
果然進去了懊悔不已不道你原不會進去如今又

得到這裏、可見天緣湊合、你如今在我府中、一生受
用不盡了、旦奴非瓊瓊、君家幸勿相犯、淨明明是瓊
瓊、怎麼說不是、旦奴家實是裴玉娥、淨這又奇了、
我曉得了你一向理名隱姓、故此叫做裴玉娥麼、

金絡索、旦君家莫逞威、奴豈烟花輩、一馬一鞍、自矢

栢舟義、淨你既是節婦、爲何在娼婦人家、旦雖然在

污泥、志堅持、乞賜矜憐、釋放歸、淨你要我釋放還家、

今生休想、旦若還狹路難迴避、拚取微軀作粉齏、如

何是、真箇從天降下這災危、轉拜淨介、望伊家別選

蛾眉重効于飛。陰德誰堪比。

前腔淨娘行自三思。這是千里能相會。且止悲嘯。暫展鴛鴦被。若能效唱隨。做齊眉。金屋妝成百事宜。望回嗔作喜和咱睡。早難道你是何人我是誰。作醜態

樓旦旦怒介旦你休得無理。我若要順從。除非是西方日上淨呀。我的娘。休淘氣。我是憐香惜玉老頑皮。

勸伊家不必嗟吁。切莫狐疑。緣分皆夙世。又作醜態旦哭介副扮馬夫急上有事不敢不報。無事不敢亂傳。啟老爺知道。淨啟甚事來。副適纔不知那裏走一

匹白馬進來、將槽內馬亂咬、不知何故、淨何不着人
驅逐去、副那馬見人亂撲、無人敢上前、內嚷介馬進
來了、玉馬上亂叫亂撲介、且避下、淨急躲亂撲介馬
又奔下、淨跌倒院子扶起介、淨阿呀不好了、出了恠
了、院子快去請僧道來解禳、有人祛得此恠者、重重
有賞、院子應介、內嚷介馬又來了、淨急下、旦上恠哉、
恠哉、方纔被狂徒調戲、正在危急、忽有白馬從外而
入、將狂徒亂撲、得免污辱、且住、曾記得有一道者說
我將有大禍、贈我玉馬墜一枚、說佩之可以解禍、我

因日夜佩在身邊、檢身驚介、好奇惟玉馬、隊主竟不見了、
了、頃想適纔那匹白馬、就是他了、玉馬玉馬、但願你
救得奴家、脫離虎口、我便終身謝你不盡、不知狂徒
肯饒得我過否、正是、

烏鴉共喜鵲同行。吉凶事全然未保。

第二十九齣 詭胎

浪淘沙 小生奉旨下瑤塔。救取袞釵。姻緣會合巧安
排。管取才郎攜二妙。何異天台。我氤氳使者爲玉娥
一事。又下塵凡。如今玉娥災星將退。黃損好事垂成。

不免向呂用之處、與黃損說合則箇、按下雲頭、已是用之門首、有人麼、外侯門深似海、不許外人敲、是那箇、小生煩你通報、說我聞得你府中有恠、特來解禳、外道者、這箇恠不是當要的、昨日有兩箇道者、也說會解禳、及至書符遣將、那兩箇反被這恠咬壞、合府人驚得幾死、你莫去惹他罷、小生不妨、煩你通報、我自有妙法、外既如此、我替你通報、啟老爺知道、淨內應介、怎麼說、外外邊有一箇道者、說善能祛恠、特來求見、淨內介、你去對他說、那恠十分利害、不是當要

的、他有何術、敢來惹他、外小人曾對他說、他說不妨、自有妙法、淨既如此、多着力士持利器、隨我出來、眾扮力士持刀隨上

玉井蓮後淨何方妖怪、將我一家驚壞、道者在何處、

喚進來、小生見介明公、小道稽首、聞得府中有恠、小道特來祛遣、淨道者、那恠非比等閒、你有何妙術、可以祛遣、小生明公、那恠不是恠、淨怎麼不是恠、小生明公、可曾娶得一女子否、淨有、有、是有一箇、他是人、怎麼叫做恠、小生明公、有所不知、淨請坐了、講小

生這女子是天馬星最能害人、淨住了、他既能害人、
怎麼一向不見作恠、直到如今纔顯神通、小生此恠
合當在人世一十八年、今適符其數、將欲上天、故此
作恠淨就上天罷了、怎麼又作恠起來、小生還要害
幾箇人、方得上天、淨驚介、這怎麼好、小生不難、明公
平日可有讐家、否、將此女貽之、禍必及彼、明公可以
無患矣、淨、我算將起來、我平日勢壓朝班、威傾海內、
也沒有什麼讐家、止有黃損這廝、敢來與我作對、是
一箇讐家、小生明公、何不就將此女贈之、淨、我與他

既作讐敵、怎麼反贈之以美女、小生明公差矣、你雖
與那人有讐、若將此女贈之、彼必被害、這不是亡心一
時之小憤、快平生之大願乎、淨如此甚妙、只是送去、
他不肯受、那時怎麼處、小生他若不肯受、那時小道
還有處、淨若得如此、感恩非淺、叫院子快請諸葛爺
到來、煩他去做一箇說客、不可有悞、老丈若不遇你、
幾乎斷送了我的五先生、

瑣窗寒、淨謝先生祛難除災、看明朝脫禍胎、這番救
苦鬼使神差、不惟家庭迺吉、私讐應快、合管教他一

門男女盡遭害。那時節對天拜。
淨老丈暫屈住在府中。待事體平靜。然後送行便了。
小生當得欲洩胸中憤難留窈窕娘。
淨黃損黃損直教你明鎗容易躲。暗箭實難防。
欲下馬復上欲咬淨淨急避介。
小生畜生休得無理。馬點頭走下。
淨扯小生急下介。

第三十齣 拒婚


逍遙樂生上痛苦天知否。人在泉臺難回首。
小旦今

生只合冷宮幽。誰知多幸辭卻龍顏。又整鴛鴦。雲鬢

亂曉妝殘。怕倩才郎畫遠山。生悶向書齋親筆硯。爲

為他和淚倚
欄杆





天和淚倚欄杆。夫人下官忝中狀元，身居翰苑，又荷
聖恩賜婚，完聚自謂千載奇逢。三生有幸，只是放那
舟中女子不下。日來愈覺情緒無聊，如何是好？小旦
相公死者不可復生，只索善自排遣。早饒已完，請相
公同姐姐喫早饒。虛設一坐位介。小旦相公請向空
介。姐姐請生兩位夫人請。

畫眉序 我把盞淚交流，且向虛空慰貞淑。恨重泉路
杳，安得攜手遨遊。小旦聊進酒，暫解愁腸。恨臨風難
開笑口。合問天何事偏不足。佳麗頓遭陽九。

似娘兒丑扮諸葛殷上脅諂用機謀。真箇是神鬼難

儔。安排圈套報深讐。聊假風情暗藏機。穀黃損黃損、

教你一命旋休。自家諸葛殷是也。奉呂大人之命來

送美女與黃狀元。迤邐行來。此間已是左右報去。雜

有人麼。末忽聞聲喚。未審何人。雜煩你通報說諸葛

爺求見。有帖在此。末少待。稟爺外面諸葛爺拜訪。生

那箇什麼諸葛爺。末有帖在此。生見帖怒介。諸葛殷

他到此怎麼去回了他。說我不得工夫。原帖還了他。

末出傳介。丑管家煩你再稟一聲。說我有話面講。一

定要求見的、末又稟介生怒介、我叫你回了他、怎麼
只管胡纏、末他不肯去、小旦相公、那箇什麼諸葛爺、
你爲何不肯接見、生夫人就是諸葛殷、是呂用之心
腹、小旦相公、妾聞君子之待小人、不惡而嚴、又道惟
人在耻、相見何妨、況且這樣小人、與他作什麼對、他
既然有話、你出去見他、亦有何妨、生既然如此、夫人
請進去、小旦暫輟堂前饒、權歸繡閣中、旦下、丑進作
醜態、生不揣介、生今日下顧、有何話說、丑下、官無事
也不敢請見、奉呂大人之命而來、生呂用之、他有何

事着你來、丑呂大人久慕老先生大才、極欲時常請教、因前日一時失算、得罪於門下、今着下官來請罪、還有美女一人送上、以表寸敬、異日尚欲躬造負荆、望乞笑納、生他爲惡多端、萬民切齒、我恨不斬此佞臣之頭、以洩天下之憤、豈有受他美女之理、丑大人、你不受也罷、

紅衲襖、辜負他意、倦倦禮甚稠、難教我月下翁空奔走、那箇女子、真正生得標致、似姮娥居廣寒、無纖垢、如神女下陽臺、誰與侔、若老先生收了此女呵、真箇

是燕侶鶯儔。一任你鸞交鳳友。這的是好姻緣。到此

難迤逗也。

生我與他誓做頭敵。決無受他之理。
丑老

先生又有一說。附耳介。這叫做不是冤家不聚頭。

前腔

生那呂用之當日呵。他道我困新豐似馬周。賺

得箇阮家郎無路走。他似妖狐晝見真禽獸。空有襟

裾類馬牛。

丑老先生也不消破口。自古道虎不喫伏

肉。生這烟花寨早收。這惡姻緣難就。

丑還求收了。自

古道冤家只宜解。不宜結。生不必嘵嘵饒舌也。此處

無魚別下鉤。

丑既如此。待下官回去說了。再作道理。

生姻緣自是不和同。
丑無奈仙郎不肯從。好似

雪裏梅花甘冷淡。
生羞隨奸佞乞嬌紅。

第三十一齣 回話

宴陳平淨報怨遣妖姝待等人回。
小生機關巧構我

爲媒有誰知。
淨老丈請坐我家若非老丈到此險此二

喪於妖恠之手只是諸葛殷去了許久不見到來未

知事體若何。
丑上好意說親出乖露醜事又不成罵

不絕口相見介淨你回來了麼事體若何。
丑小官奉

大人之命到彼說合他起初不容相見我再三求懇

纔得出來一箇臉就如鐵鑄成的。我只得陪着笑顏。致大人許多不安之意。如今有一美女送上聊供酒。掃他執意不從。淨卻是爲何。丑大人聽稟。

宜春令 大人你贈美女。是好意見。怎知他出言太欺。

淨他怎生樣欺我。丑他罵你人形畜類。淨噯噯。丑妖。

邪蠹國真狐媚。他還說得利害哩。淨怎麼。丑說恨不。

能將你誅夷。他惡狠狠全無道理。淨有這樣事。丑我。

只得含羞忍恥。受了這場沒趣。

前腔 淨將紅袞遣。要逃禍危。笑狂生恁般阻推。小畜。

生你不受也罷了、怎將咱輕覷千般辱罵全無忌、必
須別尋一計擺佈他、小生明公請息怒、小道還有一
言奉聞、今日還是祛恠一事要緊、那報警一事甚可
緩圖、淨我這般下氣、他是這般待我、教如何處置、小
生不是這等講、還是送此女爲上策、淨他是這般決
不肯受的、就送去也沒幹、小生如今有一箇道理、今
夜多着人役、將鼓樂送此女到彼、待等到門、將此女
竟搬下、人從悄悄地回來、事必有濟、淨儻然他又着人
送來、怎麼好、小生這箇不足爲慮、但此女到彼一時、

看他家立遭顛沛。須是疾忙送遣。急驅妖祟。淨既加
此分付點三二十名家人。樂人一班。送瓊瓊到黃狀元
寓所待等。一到撇了便走。不可有悞。眾應介。

淨回耐狂生識未真。令人不覺怒生嗔。

小勸君莫把閒愁攪。丑管取妖精一口吞。

第三十二齣 天合

末眾上介。閉門家裏坐。惹下一場禍。不是好姻緣。沒
事討事做。吾等奉老爺之命。送新娘到黃翰林處。列
位哥。此女是精怪。你們須要大家仔細。待我請他出

來上轎新娘有請

卜算子旦孤苦羞鶯燕。怎把愁眉展。堂前何事喚聲

喧。使我心驚顫。你們到此怎麼。衆我們奉老爺之命

送你回家。旦若得如此。感恩非淺。衆請旦上轎作樂


行介到門。衆急下。旦呀。這不是我家裏。怎麼將我撇

在此間。衆人竟自去了。也罷。我不免叫一聲。看看有什

麼人出來。開門。開門。外扮院子上是那箇。旦是我外

好奇。恠是婦人聲音。待我稟知老爺。老爺有請。

接雲鶴。生上。祇緣思舊恨。無眠。何時遣得愁一片。外



神僊現望
空中着鞭

時在丙辰夏五
江寧傅春姍鈎撫

晴



天馬女
卷一
啟老爺知道、外邊有婦人叫門、特來稟知、生夜靜更深、爲何有婦人叫門、外小人不知、生也罷、攜燈過來、待我自去問他、走出介外婦人、老爺在此、問你爲何到此、

普天樂旦受奇冤、含深怨、生有什麼冤枉、旦因豺虎、

硬相纏、生豺虎是誰、旦是呂用之、他強占了奴家、因

奴家誓死不從、方纔着狼僕多人、將我送到這裏、竟自去了、生噯、我曉得了、你總是奸謀一黨、今日特將烟花寨來迷我、我這裏斷然不中你的奸計、快去罷、

旦如家實是受苦婦人。生不必多講。你休來亂語胡

言。多管是陰謀相煽。旦說那裏話來。這姦佞賊爲什

麼同他串。我指望脫了虎口。來投生路。不道疑慮好

苦楚人也。生任嘵嘵多飾辨。論吾行是一箇奇男。鐵

錚錚柔腸怎牽。快抽身須知對面無緣。旦若老爺畢

竟相疑。吾又何以生爲。不如撞死在此。也強如死於

奸賊之手。生叫院子快開了門。多着幾箇人送他去。

外開門介。生驚介。呀。這是裴氏女。旦呀。這是黃郎。抱

哭介。

哭相思將謂終身不見。誰知此地重圓。生快請夫人

出來。旦住了。你有什麼夫人了麼。生夫人實不敢相

瞞。下官未遇夫人時節。先與他有婚姻之約。如今是

聖上主婚完聚。望夫人見諒。旦當初既有了妻室。也

不該哄我沒有。生這是一時權變之辭。況且這位夫

人甚是賢慧。因下官時刻想你。他教我每遇飲食。設

一虛位。三人同食。又設一空房。教我每夜輪轉。就如

你在這裏一般。旦有這等事。快請出來相見。小旦上

自不整衣毛。何須夜夜嚎。那箇在此喧嚷。生夫人那

箇舟中女子到此。小旦既如此，姐姐在那裏。旦姐姐請上。妹子有一拜。小旦姐姐請上，待奴家拜見。旦姐姐你先在此，我合居其次。小旦說那裏話來，姐姐是良家閨秀，奴家怎敢抗禮，願居其次。生二位夫人也，不必相讓，還是拈了鬪罷。小旦相公，你是讀書之人，怎麼說出這樣話來。旦既如此，只得占了。拜介喜瞻闔範殊慰鄙懷。小旦久慕幽閒常形夢寐，請問姐姐相公常時說你遭了水厄，如何得生。

雁過聲。旦當初幾把軀捐謝蒼天，空中鑒憐不教人

抱重泉怨。生當時舟已覆了、如何得免。旦偶遇恩星、

急救取行方便。生得人撈救了、後來怎麼。旦領回家

做孩兒一般。盡日在閒庭院。誰知禍踵旋。生又遭什

麼禍。旦前日一晚、就是呂用之家、有許多狼僕、將奴

搶入府中、將欲淫污、忽有白馬一匹、從外而入、將呂

用之亂咬、我方纔得免於禍、合府人都道我是妖怪、

所以將奴送到此閒、不道遇着你、這的神差鬼使重

相見。愁只愁大德深恩兩掛牽。生夫人有何恩德、待

下官一一報取便了。旦我爹爹不知飄泊何處、劬勞

之恩、未曾報得、生夫人這箇何難、明日差人各處訪
問、請岳父到來奉養就是了、旦還有薛家媽媽、蒙他
救命之德、也不可不報、小旦那箇薛家媽媽、旦什麼
薛瓊瓊的母親、小旦生各驚介、小旦這等說、是我的
母親了、旦原來是令堂、小旦姐姐家母一向好麼、旦
一向好、小旦相公你正要差人去接取母親、不道姐
姐一向到與家母一處、這也是一樁奇事、旦妹子、令
堂說你入宮去了、怎麼又得出來、

傾杯序 小旦我難言說將來苦萬千、當日蒙欽選、想

百樣冤愆。萬種憂愁。一派顛連。此恨填完。且相公你

如何得遇着妹子。生只爲那奸雄計遠。且那箇奸雄

生就是呂用之。我忝中狀元之後。恨他禍國殃民。將

他劾奏。他挾讐也。劾我一本說與薛瓊瓊私相往來。

效御溝流葉的故事。聖上便發出瓊瓊與下官對理。

其時虧一年伯。立洩此冤。蒙聖上將呂用之斥歸田

里。將瓊瓊賜與我完聚。且有這等奇事。生這的是雪

消。見雲散月明。端的主聖如天。今日得伊家。到此

心事始悠然。且還有一節奇事。奴家未遭奸徒搶劫

之時忽有一道者到來說我不日有災我見他形容魁偉定非凡人向他哀懇解禳他便贈我玉馬隊主一

枚生玉馬隊主日說道佩之可以解禍我隨將此玉馬

繫之於身以後正在難中見一白馬奔來將人亂咬那玉馬忽然不見頃刻又在身傍相公莫非那箇白馬就是玉馬變化的生這玉馬如今還在麼旦出玉

馬介生驚介好奇惟這玉馬原是下官故物當時亦有一道者向我乞取我見他不凡便唾手相贈不道有此報應夫人我看將起來我與你婚姻會合皆玉

馬之力也。不可不拜謝他。將玉馬供桌拜介。

玉芙蓉。三生舊有緣。今日諧繾綣。仗玉驄。倏忽騰驤。

靈變。從今常效雙飛燕。人世爭誇並蒂蓮。小生道裝。

控白馬遶場走介。騎馬拱手介。黃郎。當日承你相贈。

玉馬。略無吝色。今日可謂酌了。伯樂也。生日。愚夫婦。

有眼不識大仙。今日望乞少停鶴駕。小生上帝之命。

誰敢有違。我去也。下生日。共拜介。神仙見望空中着。

鞭端的是志誠。一念自可格神天。

小桃紅。合論今朝真堪羨。生看二美多嬌豔。稽首謝。

神明再整華筵。巧合夫妻。此際魂應斷。洞房花燭雙
雙薦。把新愁舊恨多捐。

尾聲歎奸雄。空籌算。萬事總繇天判。一段奇聞真堪
作話傳。下

第三十三齣 愧死

卜算子淨 一命幾頻危。甘把心機費。喜憑神算默驅
除。方得無憂懼。我呂用之。因諸葛殷之言。搶得薛瓊
瓊到府。指望望娛我暮年。愧死黃損。不料方欲成就好
事。忽有白馬奔進房來。將我亂咬。百般釀解。再難祛

遭幸有一道者到來、說此女是白馬精、最能害人、授我一計、教我貽害於人、我便將此女送到黃損處、方纔着人去打聽、不知如何了、咳、黃損、黃損、你此時多

應被白馬咬死了、**丑**上報介、湛湛青天、難欺難昧、欲

要害人、翻成歡會、啟老爺知道、小人回來了、**淨**你回

來了、麼事體若何、**丑**小人到黃狀元處、聽見裏邊大

吹大擂、**淨**、噯、想是被白馬咬死了、在那裏出殯、**丑**不

是、**淨**敢是僧道在裏邊禳解、**丑**不是、**淨**怎麼、**丑**在家

裏開宴、**淨**卻是為何、**丑**小人問這些鄰近、說黃狀元

昨夜納了一位夫人一家完聚親戚朋友都來慶賀、故此在家開宴、淨有這等事、若是這等、此女原不是什麼妖怪了、怎麼好、快請道者出來、丑請介內應、介方纔騎了一匹白馬去了、淨驚介這等說將起來、那箇道者是箇大騙子了、快些着二三十人各處追他轉來擺佈他、一箇死纔罷、小生騎馬上、人間私語、天聞若雷、暗室虧心、神目如電、我氤氳使者、今黃損與裴玉娥姻緣已就、不免向呂用之處說明此事、呂用之、我想你出身微賤、受此隆恩、自宜盡忠報國、你何

故宜淫漁色、今黃損與裴玉娥姻緣已就、你費盡心機、亦有何用、你禍不遠、我去也、凡事勸人休碌碌、舉頭三尺有神明、淨氣介罷了、罷了、我指望傾陷黃損、故將薛瓊瓊陷他、不想聖上反賜瓊瓊完聚、如今什麼裴玉娥、又送與他、可不氣死我也、且住、我想瓊瓊歸了黃損之後、也就罷了、不道又有此事、明明是諸葛殷這箇奸賊、弄出來的、叫院子、快去喚諸葛殷來、我撞也撞死在他身上、丑老爺小的們、不敢稟知、那諸葛殷、今朝有人來報、說偶得暴疾、昨夜三更時分

歿了、淨死了、天天你何厚於黃損、而薄於我兩人也、
我想我如今縱爲人在世、有何面目罷、不如縊死了

罷、淨奔進介丑奔下

第三十四齣

萍聚

老旦急上、天有不測風雲、人有旦夕禍福、老身乃薛
瓊瓊之母、自我兒入宮之後、偶然撈救得裴玉娥到
家、相親相傍、不致十分寂寞、不道我前日不在家中、
又被奸人擄去、方纔聽見人說、自從裴玉娥到他家、
裏有白馬成精作怪、奸徒嚇得幾死、今沒處出氣、又

天馬妙 卷下
差人來挈我。我想在此決要遭他毒手。如今打聽得黃相公中了狀元。他或者念我女兒情分。收留老身。也未可知。不如到江邊喚一隻小船。連夜投他。也免得又生他變。下

外扮破衣上。貨船積得有餘財。豈料同兒葬水涯。萬事不由人計較。一生都是命安排。自家裴員外的便是。我當初靠着貨船營運。麤積資財。不料賽神回來。船竟溺水。吾相想這些貨物沒了也罷。只可惜我的女兒玉娥也隨舟而沒了。我孤身飄泊。幸得舊時相識。

稍爲憐念、稱貸得幾兩銀子、買得一隻小船度日、今日不知可有人叫船否、

玉井蓮後、老旦上、堪恨奸雄、真箇此讐不共、這裏已

是江邊了、不免叫一箇船渡過江去、那箇船過江去、

外過江去、就是我的罷、船錢要二錢銀子、老旦一錢

五分罷、外罷罷下、船來、

香羅帶、老旦孤身隨去、蓬愁懷轉濃、嬌兒久離沒信

通、誰料奸謀屢作逞、豪凶也、奸賊你總如狼虎、縱威

風、看來禍不遠、山岱可崩、我想女兒既入宮了、今生

料不能相見、若裴玉娥在此、暮年還可與他相依、不
道又生此禍、外驚介老旦咳、天天我暮景誰同也、說
甚麼悠悠老命終、外媽媽不敢動問、你方纔說什麼
裴玉娥是爲何、老旦家長裴玉娥是一箇女子、我向
日江中撈救的、外有這等事、噯媽媽實不相瞞、這是
我的女兒、爲因我養神去了、回來不見了船、人都說
道覆沒江中、不意蒙媽媽撈救、感恩非淺、但不知我
女兒如今在何處、老旦不要說起、前日裏我偶然不
在家中、竟被奸臣呂用之擄去、不料令愛自到他家

之後有一白馬出現他一家不安那奸賊無處出氣
又要將我擺佈故此叫你的船渡江過去投黃狀元
府中外那箇黃狀元老旦就是新科狀元他與令愛
也有姻緣之約外驚介他怎麼與我女兒有姻緣之
約老旦據令愛說當時有一秀才附舟之楚兩下暗
約姻盟令愛約那生八月十五日涪州相會那生至
期果來不料扯纜登舟纜斷水急舟竟隨水汜去我
因送女兒入宮歸途見有一舟覆於江中我着人撈
救救得令愛攜到家裏朝夕相倚不意又被奸人擄

去外、噯、有這等事、媽媽、我想起來、我的女兒、分明是
黃狀元害的了、我到他家裏、說明此事、要他身上還
我的女兒、**老旦**不要忙、那黃狀元是極好的好人、我
去說知、自然他養你的老、**外**多謝媽媽、說話之間、已
過江了、媽媽、我和你同上去、問黃狀元府中便了、
尾聲**老旦**偶提舊事增悲痛、**外**誰道把好音來送、**合**
若得相留我運通。

第三十五齣

團圓

行香子 生冠服上 再續鸞膠。重諧鳳侶。永歡娛暮暮。

朝朝旦笙歌繚繞。琴瑟和調。小旦到如今合湊巧。舒

懷抱。相見介。生綠鬢雙雙誰與倫。旦風流佳婿自超

羣。小旦天緣結髮重相會。生不問新人與舊人。下官

思想起來。當時雖與兩位夫人訂盟入宮者。入宮溺

水者。溺水。只道夢裏相逢。誰知今日完聚。旦相公。這

是苦盡甘來。也不必提起。只是我爹爹不知下落。相

公可曾着人去尋覓否。生夫人。下官昨日差人。一面

去請薛家岳母。一面到處尋訪岳父。想必就有信息

了。叫院子看酒過來。與兩位夫人慶賞。定席介。

曉行序。生美景良宵。似天台洞口。相招年少。一雙俏。
不數太真容貌。旦小旦今朝苦恨全消。涕淚方收。夢
魂纔覺。合誰料。沉溺在各天天。幸喜得完璧歸趙。

七娘兒。老旦外上。總到侯門不許敲。揀得箇陪聲輕

造。外薛媽媽。我一路問來說。此間就是黃狀元府中

了。待我去問一聲。有人麼。小生扮院子上。是那箇。外

大叔。煩你通報一聲。說薛媽媽求見。小生少待。啟老

爺知道。外邊有什麼薛媽媽。要求見。小旦想是家母

到了。生快請進來。相見介。老旦見小旦驚介。這是我

女兒

哭相思 一自遭逢強暴。嬌兒老母輕拋。老旦見旦又

驚介。你是裴玉娥。旦奴家正是。老旦好。你令尊也在

外邊。生有這等事。快請裴員外進來。外見旦抱哭介

前腔。當初只道江心葬。教人日夜哀號。生岳父岳母

請上。待小婿拜見。外老旦這箇不敢當。生豈敢拜介

念小生獲配鸞凰。未展寸絲之敬。外老旦愧我孤兒

微賤。敢叨嫺戚之尊。外請問狀元。聞得小女被奸賊

擄去。如何得侍君子。生因令愛到他家裏。有白馬爲

恠他道令愛是妖恠、故意送來、意欲害我、不道反得
完聚、**老旦**小女在宮中、如何也歸了狀元、**生**下官忝
中狀元之後、上疏劾奏呂用之奸邪誤國、他銜恨誣
奏說我與令愛效御溝流葉故事、兩下私相遞柬、聖
上不信奸邪、又因我舊與令愛有約、蒙恩賜出完聚、
外老旦有此奇事、**生**請問岳父與薛家岳母、怎得相
會一處、**外**自從吾兒覆舟之後、止存一身、覓得小船
度日、昨因薛老安人、叫船相訪、所以相會、不道有此
奇遇、

錦衣香

合

惟道兩日

喜鵲聲

雕簷噪

燈花蕊

銀缸

報原來舉案齊眉。孟光德耀。笙簧聒耳。儼雲璈。雙飛共宿。恍似神交。看瓊漿玉笋。羨華堂三星高照。今日同歡樂。放開懷抱。夫榮妻貴。門楣光耀。

漿水合生何幸得瞻天表。受皇恩慙無圖報。一夫二婦永和調。同心雙結。其樂陶陶。諧魚水如漆膠。天緣巧合人爭道。行看取。行看取。榮膺封誥。持丹詔。持丹詔。詔飛下雲霄。

尾聲看來此事真奇妙。萬載芳名青史標。方顯男兒

天馬媒
卷下
志氣豪。

騷壇自古足名流。以我陳庸敢望收。

爲是年來多旅況。譜將天馬破羈愁。

天馬媒卷下終